

	<u>A CHHUNGA THU ANMTE</u>	<u>Page</u>
1.	List of M.L.As with permanent Address	(i)
2.	Council of Ministers te hna chanpual	(ii)
3.	<u>THUTKHAWM VAWI-1-NA :</u>	
	(i) (a) List of Business	1
	(b) Obituary	2-5
	(c) Zawhna leh chhanna	5-23
	(d) B.A.C. Report	23-31
	(e) Adjournment Motion chung chang	31-38
	<u>Tlai dar 2:00PM - 4:00 PM</u>	
	(a) Legislative Business	38-39
4.	<u>THUTKHAWM VAWI 2-NA</u>	
	(i) <u>wednesday at 10:30 - 1:00PM</u>	
	(a) List of Business	40
	(b) Zawhna leh chhanna	41-55
	(c) Laying of papers/Reports	56-58
	<u>Tlai dar 2:00 PM - 4:00PM</u>	
	(a) Adjournment Motion sawihona	58-91
5.	<u>THUTKHAWM VAWI - 3 NA</u>	
	(i) <u>Thursday at 10:30 AM to 1:00 PM</u>	
	(a) List of Business	92
	(b) Zawhna leh chhanna	93-113
	(c) Zero hour	113-117
	(d) Laying of Papers	117-118
	(e) Presentation of Reports	118
	(f) Legislative Business	119-133
	<u>Tlai dar 2:30 PM - 4:00 PM</u>	
	(a) Discussion under Rules 5* (short duration discussion)	133-160
6.	<u>THUTKHAWM VAWI 4-NA</u>	
	(i) <u>Friday at 10:30 AM to 1:00 PM</u>	
	(a) Zawhna leh chhanna	161-184
	(b) Private Members Business (Resolutions)	184
	<u>Tlai dar 2:00 PM - 4:16 PM</u>	
	Resolution sawi chhun zawnna	185-227

(i)

<u>Sl. No.</u>	<u>Name of Members</u>	<u>Permanent Address</u>
1.	Shri K.Rokhaw	Chakhang
2.	Shri Zakhu Hlychho	Saiha
3.	Shri S.T.Rualyapa	Khatla, Aizawl.
4.	Shri T.Hranghluta	Lawngtlai College Veng.
5.	Shri Nirupam Chakma	Kamalanagar III
6.	Shri H.K.Chakma	Nunsuri, Tlabung
7.	Shri P.Lalbiaka	Lunglei, Serkawn
8.	Shri H.Lalruata	Lunglei
9.	Dr R.Lalthangliana	Kanaan Veng Aizawl.
10.	Shri F.Lalzuala	Lunglei
11.	Shri H.Thangkima	Lunglei
12.	Shri L.P.Thangzika	Lunglei
13.	Shri C.L.Ruala	Tuikhuahtlang, Aizawl.
14.	Shri Hrangthanga Colney	Zarkawt,Aizawl.
15.	Shri Zoramthanga	Rhaltlang , Aizawl.
16.	Shri Lalbiakzuala	Chaltlang , Aizawl.
17.	Shri Chawngkunga	Dawrpui Vengthar, Aizawl.
18.	Shri C.Vulluaia	Dawrpui Vengthar Aizawl.
19.	Shri H.Zathuama	Dintha Veng Aizawl.
20.	Shri F.Lawmkima	Kulikawn, Aizawl.
21.	Shri Lalrinchhana	Tuikual 'A',Aizawl.
22.	Shri R.L.Vala	Thakthing , Aizawl.
23.	Shri Zosiama Pachuau	Aizawl Venglai.
24.	Shri Vaivenga	Tuikhuahtlang Aizawl.
25.	Shri John Rotluangliana	Dawrpui, Aizawl.
26.	Shri Saikapthianga	Republic Aizawl.
27.	Shri Lalhuthanga	Dawrpui Vengthar Aizawl.
28.	Shri Liansuama	Chawnpui, Aizawl.
29.	Shri B.Lalthlengliana	Kolosib, Venglai
30.	Shri Lal Thanhawla	Zarkawt, Aizawl.
31.	Shri P.C.Bawitluanga	Chaltlang Aizawl.
32.	Shri P.C.Zoram Sangliana	Dawrpui Vengthar,Aizawl.
33.	Shri Lalhmingthanga	Khatla, Aizawl.
34.	Shri F.Malsawma	Chaltlang Aizawl.
35.	Shri J.Lalsangzuala	Mission Veng Aizawl.
36.	Shri F.Lalremsiama	Chaltlang ·Aizawl.
37.	Shri Lalkhama	Zarkawt, Aizawl.
38.	Dr J.V.Hluna	Mission Veng Aizawl.
39.	Shri R.Tlanghmingthanga	Venghlui, Aizawl.
40.	Shri Lalsawta	Mission Vengthlang Aizawl.

COUNCIL OF MINISTER TE HNA CHANPUAL
(Notified Vide No.J.11912/6/87-POL dt. 13.6.94) (11)

CABINET MINISTERS

- | | |
|---------------------------------------|---|
| 1. PU LAL THANHAWLA
Chief Minister | 1. Pol.& Cabinet Department.
2. Vigilance Department
3. Public Works Department.
4. S.A.D.
5. Higher and Technical Education. |
| 2. PU J.LALSANGZUALA | 1. Finance Department
2. Planning & Prcg. Implementation.
3. Home Department
4. Parliamentary Affairs. |
| 3. PU P.C.BAWITLUANGA | 1. Land, Revenue and Settlement.
2. Sericulture Department |
| 4. PU C.CHAWNGKUNGA | 1. Health & Family Welfare Deptt.
2. Art & Culture Department. |
| 5. PU HRANGTHANGA COLNEY | 1. Industries Department.
2. Excise and Taxation Deptt. |
| 6. PU LIANSUAMA | 1. Rural Development Department.
2. Personnel & Administrative Reforms.
3. G.A.D. |
| 7. PU H.LALRUATA | 1. Soil & Water Conservation
2. Information & Public Relation.
3. District Council Affairs. |
| 8. PU C.L.RUALA | 1. Food & Civil Supplies Deptt.
2. Power & Electricity Deptt. |
| 9. PU SAIKAPTHIANGA | 1. Agriculture Department
2. Horticulture Department.
3. Trade & Commerce Deptt. |
| 10. Pu ZOSIAMA PACHUAU | 1. Environment & Forest Deptt.
2. School Education Department. |

MINISTERS OF STATE

- | | |
|--------------------------|--|
| 1. PU P.LALBIAKA | 1. Animal Husbandry & Vety. Deptt.
2. Relief & Rehabilitation Deptt. |
| 2. PU F.LAWMKIMA | 1. Public Health Engineering Deptt.
2. Tourism Department. |
| 3. PU S.T.RUALYAPA | 1. Local Administration Deptt.
2. Printing & Stationery Deptt. |
| 4. PU C.VULLUAIA | 1. Law & Judicial Department
2. Co-operation Department |
| 5. PU P.C.ZORAMSANGLIANA | 1. Social Welfare Department
2. Sports & Youth Services Deptt. |
| 6. PU ZAKHU HLYCHHO | 1. Transport Department
2. Labour & Employment Deptt.
3. Fisheries Department. |
| 7. PU NIRUPAM CHAKMA | Attached to the Chief Minister's Secretariat. |

S P E A K E R

: "Tupawh mi zui chu thimah a
leng tawp lo vang a, nunna
eng a nei zawk ang" a ti a.
Johana 8:12

Vawiin-a kan tih tur hmasa
ber chu kan thawhpui Pu Tlangchhunga Ex-MLA Mizoram sunna/
boral ta sunna kan nei dawn a ni. Pu Tlangchhunga Ex-MLA
Mizoram chu Aug. 26, 1994 dar 6 P.M. khan a thi a, kum 51
a upa a ni.

Pu Tlangchhunga hi Pu Chuauhnuna
(L) fapa a ni a. Kum 1943 July ni 7 khan Seling khuaah a
piang a. Primary School chu Seling Primary School atangin
a passed a, Middle School chu Dawrpui Middle School, Aizawl
atangin a passed a. Matric hi Govt. Higher and Multipur-
pose Mizo High School atangin a passed leh a. Kum 1969
khan Pachhunga Memorial College atangin a passed bawk a ni.

Pu Tlangchhunga hi kum 1978
khan P.C. ticket-in MLA Sairang Constituency atangin thla-
tlin a ni. Amah hi Kristian tha tak a ni a, Dawrpui Pres-
byterian Kohhran Upa atana nemngheh a ni.

A nupui leh a fate 4 a kalsan.

Nidangah chuan hei hi Leader
ten emaw an sawi thin a. Amaherawhchu State danga tih
angin Speaker-in a tlangpui hi chu han sawi se kan ti ta
a. Chumi chu Pu Tlangchhunga chungchangah chuan ka han
chhiar tak a kha a chanchin tlangpui chu a ni a. Han
sawi ve duh kan awm em ?

PU LAL THANHAWLA
CHIEF MINISTER

: Pu Speaker, Pu Tlangchhunga
hi heta a chanchin tlangpui
kan lo hmuh leh tuna i rawn
sawi tak ang kha a ni a, mah-
se kha mi piah lamah khan tlem a zawng han belh hlek ka
duh a, Pu Tlangchhunga hi Zarkawt vengah kan in-theawm
a ni a, tawng tam tehchiam lo nimahse nelawm tak, mi pawi-
sawi ngai reng reng lo. Tin, chhiatni thatniah kan veng
chhungah chauh lo pawh veng dengah pawh entawn tlak tak

a ni a, mi tlawnngai tnei a ni. Tin, pa taima tak a ni a, hnathawnna kawng tinrengah sumdawnna a ni emaw, kut hnathawn a ni emaw, mi hlawtling ngei tura hna rim taka thawk mi a ni a. Tin, inchung khawsak thilch mi chengvewng tak entawn tlak tak a ni a, Konhran lumah chuan Dawrpua kan awm ho lai pawhin tualchhung Upa a nih pawhin Kohhrana in hmang mi, mi thahnem ngai tak, mi piangthar tha tak a ni a, tin, rei tak tualchhung Upa a nih hnuin Upa Ordained niin Dawrpui Konhranah pawn a kul a tai a lo ni a. Tin, Zarkawt Konhran an in dan hnuin leh indang tura an inbuatsaihnaah pawn a puipa ber te zinga mi niin Biak In tha tak atangin Konhran tha tak din tura beihnaah pawh a kul a tai a ni a, Heta a thawlai hiah hrisel lohna, bawrhsawmna a lo tlakbuak ta a, vanduai tlak takin min lo boral san ta a. He House ah a ni pawh member a nih laiin, he House chuan a khawsa zia te leh a hnathawn aante entawn tlak puitling tak a ni a, hetiang mi tha leh entawn tlak ram hruaina kawngahte, Kohhran lamah leh khawtlangahte mi thahnemngai leh entawn tlak kan lo chan ta hi, he House tan chauh ni lo, kan veng tan chauh ni lo, kan ram tan channa nasa tak a ni a, chuvangin, vawiin nia he House pawh hian kan sun hi a awm a. Tin, a sulhnu tam tak entawn tlak tak, Kohhranahte, khawtlangahte thildang dungah kan entawn a kan zir hi amah kan hriat rengna atan kan tih tur tha tak a niin ka hria.

PU LALMINGTHANGA : Pu Speaker, tuna kan hun hman hi a lungchhiat talak em em a, kan House Leader te leh nangmah ngei pawhin i han sawi tak ang khan, he Mizoram rorélna leh kan zinga lo cheung thin Upa Tlangchhunga sunna kan han nei tur hi rilru a lungchnia a, Pu Tlangchhunga hi quality tha tek tak tem tak amah atangin zirtur keini hetilaia thukhawmte leh Zoram mipui leh Mizoram nula leh tlangvalte chen hian kan neein ka hria a. P.C. Party-ah 1975 April ni 16 ah din a han nih chhoh atangin thalai lamah kan hruaituani thin a. Chungante chuan hnathawn tur chi hrang hrangsh a taimakzia tawngkam mai ni lo, hnathawn leh nunin a entir thin a. Nichin a nangmah ngelein i sawi tak ang khan 1973 inthlenah P.C ticket-in Sairang Constituency atenga thlantlin a ni a. MLA anga a thawh chhungin a bialte leh Zoram pumpui tan pawh hmasawnna lama ruulawt mi, thahnem ngai taka ti mi a ni a. Tichuan, hun lo kal onho zelah, party general Headquarter-ah te Treasurer hnate thawkin kan awm hova, pawisa sum leh pei lakah a rinawmzia hi tuman khum theih loh khawpa mi rinawm leh rintlak a ni. Chhinglung chhuck zawng zawngte hi, India Union hnuaih hian tun aia State lian zawk leh changtlung zawk, zahawm zawkah kan awm theihna a vei em em thin a. Tichuan, chumi kawngah chuan kawng tinrengin sum leh pei hmanante, thawhlawn thawhah te, thu leh hla sawi ah te, hnatleng han siam ah te, entawn tlak leh a thahnemngaihna tilang thin tu a ni.

Tin, sakuana lamah kan sawi hma-nigah Kohhran ten hruaitu nih tlingah an ngaih avangin Bazar Presbyterian Kohhran chuan Upaah an thlang tling a. Tin, Zarkawt Prebyterian Kohhran an indan hnu hian chu Upa nihna te chu a chhunzawm chho ta zel a. Tin, anun ah khan zirtir la awm chhun leh chu, kan ram leh kan hnam hi kan inodel a, mahni a kan kut ke ah kan din theih a diuh em em avangin Mipai te tan leh ram tan example atan tiin, Brick Industry Leirawhchan siamna Khawl te a din a. Tichuan, a riſru a nei em em thin a chu, keimahni kan siam thin ang chi pawh hi siam lo a, ramdang pawnlam ami te thilsiam a kan innghat hi pawi a ti thin a. Vawi tam tak mi mal pawhin chung ang thu te chu mih hrilh thin a. Tin, hisap ah chuan Mizoramah hun thar a tawn dap chho zel a, kan in leh lo sak dan leh kan din dan ah te pawh, ramhnuai thing leh mau mai ah din duh tawh lovin, mipuiin R.C.C. building te siam kan lo duh hnuah hian, Leirawhchan te ang te hi Silchar Phaidung leh ram dang atanga kan zuk leina man, Mizoram chhunga pawisa, mitethei te tan a var vel te hi a ti tlem a. Tichuan, Industries te hi tha tak a kan lo din theih chuan, mirethei te tan inhlawhfakna a lo tam ang a, kan ram a sum leng vel ram danga kir leh hauh lo tur a rawn lut te pawh hi, keimahni ram chhung ngeiah a vak vel ang a. Tichuan, kan ram hian hamthatna a nei theih dawn a ni tiin, Brick Industry te chu ama kut ngei a thawkin, taima takin a bei thin a ni. Chutiang ang mi entawn tlak leh, chutiang anga sulsu hma-hruai atang pei Legislator pawh lo ni tawh kan han chan ta hi, he House tan hian a lungchhiat tlak a. He channa hi kan House Leader in a sawi tawh ang khan, Aizawl khawpuin emaw, Zarkawt vengin emaw a channa mai ni lovin, Zoram pum-pui mipui ten mi ropui tak leh mi tangkai tak kan chan a. Chubakah chuan India ram pawh hianin mi tangkai tak a chan tel a ni tih hi ka han sawi lang leh duh a.

Tin, chumi bakah, he rorelnah member thukhawm zawng zawng te hian a nupui fanau lungchhiat tlak taka a kalsan tak te hi kan tawrhpuiin kan lainatna kan thawn bawk tih hi ka sawi duh a ni e.

: Ka lawn e.

PU ZORAMTHANGA

: Pu Speaker, tawitein han sawi ve lawk thain ka hria a. Tun a kan ngaihthlak tak Pu Thang-chhunga hi, a chanchin kan

ngaihthlak tawte ang leh khami bakah pawh khan, keima mi mal ngei pawhin, ka mi ngaihsan leh ngaih pawimawh tak mai pakhat a ni a. Dawrpui Kohhranah khan rei tak kan lawi hova, a mimal pawh hian, han inhmuh nikhua pawh hian hawih a hawm ta bik emawni chu tih hian kan lawn zawhlo khawp hian keima mimal chungchang thuah phei chuan a fel ka ti em em a. A mimal nunah hian entawn tlak khami kawngah khan a awmin ka hria a. Tin, chulovah chuan, mi viak tha tak a ni a. Engkimah Kohhranin a chhawrna a ni emaw, khawilo puipunna ah reng reng pawh, society ah emaw, entawn tlak niin, hma

hruaitu mi tha tak a niin ka hria. Hei hi han sawi uar tel thain ka hria a. Tin, chulovah chuan, Kohhran lamah a contribution a kha a ropui hlein ka hria a. Kohhran Upa a ni a. Tin, mi tha lai nihna valai leh mi viaktha a nihna khan Kohhranah pawh nasa takin mi chawikang chho in min pui niin ka hria a. Chuvangin a nun kawng chi hrang hrangah hengah hian entawntlak keima mimal pawhin a ka hmuh hi vawinah hian han tihrik ve thain ka hria a. Chubakah kan Legislator lo ni tawh thinte a ni a. Tin, veng chhungah leh hemi society reng rengah hian mi chhuan-awm tak anih avangin, hetiang mi kum la naupang tak, la vanglai tak kan chan ta hi kan ram leh keini House pawh hian kan ui em em a, hei han uiña thu hi tawitein ka han sawi ve a ni e. Ka lawm e.

S P E A K E R : Tunah Pu Tlangchhunga kan sun-na entir nan hun reilote i lo ding ang u.
(sunna hun neih a ni a, reilote ngawi renga din a ni) Awle, i lo thu ang u le. Kan tih leh tur chu zawnha a ni ang a. Zawnha pakhatna zawnha neitu Pu B.Lalthangliana'n han zawt sela.

P U B . L A L T H A N G L I A N A : Pu Speaker, ka starred ques-tion G.A.D. Minister chhan atan. 1994 intensive revision of Electoral Roll ah hian Foreigners, te paikh tumna a awm em tih ka :iwt e.

S P E A K E R : Pu Liansuama

P U L I A N S U A M A M I N I S T E R : Pu Speaker, kan Electoral Roll hmanlai ah hian engemaw tih-palh thil a Foreigners te an 1• awm palh anih chuan paikh tum a ni a. Hem chungchang thuah hiania tunhma Rolls Revision kan neih tum pawh khan kan Chief Minister zahawm tak vawina kan House Leader hian Political Party hrang hrangte nen a ti ti ho lehin ka Roll hman liam tak a pawh kha tun hma ai chuan a tha thawkhat hlein a hriat a. Tin, tunah hian uluk lehzualin buatsaih mek a ni. Hem chung-changah hian dt. 26.9.94 kan House Leader kan Chief Minister hian political party hrang hrang te, P.R.O. te, A.E.R.O. te, District Election Officer te nen kim takin mi a ko khawm a. Chutah pawh chuan Electoral Roll tha tak kan neih theih-na tur a tan la turin lungrual takin kan ti ti khawchang a ni. Chuvangin kan Roll neih leh tur hi tunhma ami ai khan a tha lehzual kan beisei.

PU F.MALSAWMA : Pu Speaker, zuwhbelhna: A lawmawm hle a. A bik takin kan House Leader in a Sept 26-a a kohkhawm kha a tangkai hle a. Saiha thleng ka va zin a, Officer ho pawhin an ngei pawimawh hle a. Amaherawhchu, Chawngte leh Lawngtlai bikah hian tun tumpa hian rin aiin an tam viau mai a, Electoral Roll-ah hian. Hemi bikah hian an la final lova engmah tunah thutawpna an la siam loh lai a ni a. Kan House Leader in a hrilh ang taka thu kel tur khan min lo hrilh-nawn sak leh thei ang em sawleia Election lama mawphphurtu Officer te hnennah. An nin tunah an ti love tihna ni lovin boruak kan han hrist leh kan han tawnah uluk deuh zewka bialdang dia kal ngai niuwma hriatna kan nei a, chumish chuan min lo bawhzui sak leh thei ang em ?

PU LALHMINGTHANGA : Tun tum Electoral Roll siam tura hi India Independence hnu leh tin, Mizoram keimahni Legislative Assembly kan neih hnu History ah chuan a pawimawh ber turte zingumi uni tih kan hre theuhin ka ring a. Tin, India ramah hian Foreigners Infiltration a nasa a. Sap chanchinbuah te pawh kan lo cnhiar tawn ang khan Delhi khawpui ring. wtah pawh khuan mi nuai khat dia tam Detect an ni a. Chumi hria chuen Central thunehna lam pawh hian fimkhur taka Electoral Roll hi buatsaiha chumi mai bakah pawh chuan Voter Photo Identity Card pawh siam tura State te hi thupek a ni a. Tin, tuna Minister, J.D. in a sawi ang khan ni 26.9.94 te pawh khan Party hrang hrang diaowhte leh Sorkar te inbe khawmin sawi. tlangin hetiang ang Central thupek ang dungzui tak hian aw kan exam ang tia thutlukna neih a a ni a. Amaherawhchu, a lan ahan nian tuna "Numeration hen tih chhoh & Printing a rawn nih uawnah leh thil information hrang hrang kan han" collect atangin kan Sorkar hian Foreigners tunhma atunga lo chuang towhte kha a thenah chuan paib mah sengin a bik tak in hemi western belt phei, Chawngte Constituency atanga intanin, Demagiri-ah Buarpui an, chutah Phuldungsei ah, Kaurthah ah, Zawlnuam ah, heng hmunah te leh Lunglei leh Aizawl khawpuichte pawh nian Foreigners te kh. tam tak an la tel a ni tih tau kan dawng a. Hei hi Photo Identity Card pek tur a nih avangin a dik lova vawikhut kan pek chuen kan ram ten a pwi uawn a ni. Chuvangin, kan Minister zahawm tak leh kan Chief Minister zahawm tak hian hemi chungchang thu hi an sawi chiang thei ang em ? Foreigners an tel em ? Tel lo em ? A, keimi hriatnah chuan in a sing tel an la tel a. Tin, hemi Revision-ah hian nikum lama Electoral Roll kha base-ah siam mai niin kan hriat a, heti leish siam ch. wp. India Sorkar thupek ang tak khan 1950 kuma siam te leh 1952, 1956 a hman cnhoh a awm ta te base-e khumi te thlak ni lo, Domicile Certificate nei lo si te hi Roll atang hian an delete vek dawm em tih kan zawt a ni.

PU LIANSUAMA
MINISTER

: Pu Speaker, zawhna hmasa zawk
Chawngte leh Lawngtlai Constituency thuah khan Bial dangte
aiin Foreigner te an la tel tam

thei mai niawma anga an la hriatna kha chu kan lo thlir
zui ang e. Thupek pakhat dawng theuh theuh pawh hi a leh-
lamah chuanin a A.R.O. te zirte pawh a 15 ni palh thei a.
Chuvang chuan khelai kha chu ngun thluk zawk deuhin kan lo
thlir ang.

Tin, Western Belt-ah te, Aizawl
khawpuahte, tin, khawchhak kan Burma Border-ah te pawh
khian Foreigners Electoral Roll a lo awm tawhite pawh awm
nia hriat an ni a. Western Belt chang ni lo avai hian.
Mizo kan ni emaw Mizo hnathlak kan ni emaw, Mizo kan ni
emaw Mizo hnathlak kan ni emaw, Mizo hnathlak an ni lo
emaw, Foreigners nia an hriat kha chu pah vek turah kan
angai a. MLA zahawm tak, Aizawl North I bialtu Information
kha chua lo premature deuhin ka hria a. Chuvangchuan kan
inhrlhfiah dana kha a fish tawk hlein ka hria a.

PU LALHMINGTHANGA

: A premature lova, tunah hian
Printing tan tawh a ni a.
Chuvang chuan a premature
reng reng lova. Sorkar chuan

action a lak tur ang ang kha chu a la tur a ni a. Hemi
tihnaah hian ni 29 Sorkar pawhin Party hrang aiawhte hnen
ah a lo tiam tawhna ang khan dik taka tih hi a intiam thei
em?

PU LIANSUAMA
MINISTER

: Pu Speaker, a dik lohna a awm
lova, chubakah, elector-te
Electoral Roll-a register tur
chungchang thu hi Sorkar tih
tur ani lo a ni. Election Commission of India in kan
Sorkar hnathawk te, District Election Officer te leh AERO
te an rawn appoint vek a. Chutah chuan a Election Regis-
tration liau liau ahi anmahni ina an tih tur instruction
fel tak an neih anih avangin Mizoram Sorkar hi chu a sir
ah hian kan tel ve ang deuh nihna a awm lawi a. Chuvang
chuan tunhma kan lo tihdan zawng zawng keini tum chang ni
lovin Election Commission of India in a tumna zulzui chuan
theihpatawin Sorkar chuan tan a la zel a ni.

S P E A K E R

: Dan a la kal chuan Foreigner
te tan khan hun a awm thei
tur a ni lo.

PU LALSAWTA : Zawhbelhna, Pu Speaker, 1993 November inthlana Electoral Roll kha Minister zahawm takin a rawn chhan tawh ang khan 'tha zawk' a ni tawh a. Hming tam tek pawh paikh ni tawhin a sawi a. Kha hming tamtak paikte kha Foreigner an ni em ni? Engvanga paikh nge annih?

PU LIANSUAMA
MINISTER : Pu Speaker, tunhna khan kan Electoral Roll ah hian Constituency hnih (2) ah te hming a lo awm nual mai a. Tin, chubakah mithi tawhte leh pem tawhte pawh kha an lo telh nawn leh fo palh chang a lo tam mai a. Chuvang chuan a population-ah Elector tiem hle si, mahse Roll a tam si angte khan a lo lang thei a. 1993-a kan Roll erawh kha chu mi pakhat hming, hmunhniha awm double te, mithi tawh hnu hming lo la dah leh zel te kha a awm tawh loh avang-in a hma aiin nasa takin a tha tawh a ni.

S P E A K E R : Duhtawk tawh ang aw?

PU LAL THANHAWLA
CHIEF MINISTER : Tawite nia, 1993 Roll-ah khan Pu Speaker, Party hrang hrangte titihona atangin uluk zawkin iti ang kan ti a. Chung atangte chuan a hma zawng aia tha nia hriat a ni a. Tin, tunah hian tute mahin Foreigners an telloh nan tan ho dan i ngaihtuah ang u kan ti a. Party hrang hrangte tangho turin tan pawh kan la a ni. Hemi chungchangah hian sawi sawi loh a tha zawk te a awm nual a, 'Mizo tak in i ti teh ang' kan ti tlang a tih khan a fish viauin ka ring a. Amaherawhchu, tuna kan ngaihthlek tawh ang khan khawi khawiah emaw chuan a lo la awm pelh lo thei lova.

Tin, Election Commission of India hi a mawhpurtu bulpui leh thuneitu bulpui ber an ni a. Keini hi chu agent a min hmang ve ang chauh an nihna lai a awm a. Anmahni order rawn pek a pawh kha chiang deuh vek si kha in contradictory te kha a awm ve a. Chuvang chuan party hrang hrang nena kan han sawiho naah pawh (helaiah chuan sawi mai ila thil pawi lutuk a ni lo ang a) kan official te pawh an lu chu a hai ang reng viaua ni, lawi si a na.

Amaherawhchu, ti luhai mah selangin chhimbudawi turté leh tulte an awm a nih chuan, Mizo taka tih kan tum si chuan 'Chhimbudawi tlan dan te i zawng ang' kan ti a. Chulaiah chuan la fello a awm a

nih chuan englaipawhin sawi ho a tihdan tur tha zawk ngaihtuah ho kha kan inpeih a. A chhan chu kan Electoral Roll tharah hian Foreigner pakhatmah awmlo se kan duh avangin.

Tin, tunah hian buaithlak zet pakhat awm leh chu, "Tuna Electoral Roll atang hian Photo Identity Card hi kan issue chauh ang", tiin han zuk ziak vye ngewt'a. Mahse, an phallo nasa a, an language phei chu chhe tak a ni. "1993 a mi khan in issue tur a ni" min ti a. Hei State dang ko hiam an issue deuh mek zel mai a, kan han thlira, 'engtinnen' kan tih ang' tih te pawh hi hnam thil a nih avangin, keini ringawt tehlulina kaltiang pui mai loh dan te ngaihtuah a ngai a ni tih hi kan hotute ngaihdan a ni.

PU LALKHAMA

: Pu Speaker, Registration of
Electoral Rules, Rule 20 vel
ah khanin Roll-a awm tawhsa

pawh awm thiango an nih chuan pahi theihna a awm a. Chu-
tiang chiah chuan Election Commission khan Assam Sorkar
ah bial thenkhatah chuan he Rule hi lo hmang rawh u, Roll
ah mi an awm tawh pawhin pahi rawh u, an ti a ni. Chu-
vangin tuna Chief Minister zahawm takin a sawi kha Assam
ah thudang an neih a keini hnenah thudang an neih theik
ka ring lova. Foreigner chu Foreigners Act ah an awm mai
a. Chu chu Roll a awm thiango a ni mai a. 1993 Roll
khan sanctity a nei lo. Foreigners' Act ah kan innghat
tur a ni. Chu chu khawngaih takin kan Sorkarin bria se
ka duh.

PU LALSAWTA

: Pu Speaker, Starred Question
No. 2 - Law & Judicial Depar-
ment incharge-in min chhan
turin -

- (a) Mizoram Sorkar hian Mizoram Land Acquisition Rules siam a tum em ?
- (b) Tum nise engtik atanga hman tur nge ni ang? tih ka zawt e.

S P E A K E R

: Pu C.Vulluaia

**PU C.VULLUAIA
MINISTER**

: Pu Speaker tunah chuan Mizoram
Sorkar hian Mizoram Land Aqui-
sition Rules siam a tum rih lo.
Chuvangin tum nise tih zawhna
hi chhan a ngai lo a ni.

PU C.VULLUAIA
MINISTER

: Pu Speaker, zawhna phenah hian tumna tha tak a awm a. Heng hi Revenue Department-in heng zawhna eng atang hian rawtna an rawn siam hunah Law & Judicial a lo thlen chuan kan tih tur chu kan ti ang.

PU LALSAWTA

: Pu Speaker, zawh belhma, Land Acquisition Acts, 1894 hi Central Act a ni a. Tichung hian State zawng zawng deuh thaw hian Act kranin Land Acquisition chungchangah an nei a, keini arawh chuan kan nei lova. Rules pawh kan nei lova. A sawi tak ang khan siam tumna pawh a awm lova. Assam Land Acquisition and Acquisition Rules 1964 hi kan hmang mai niewmin a lang a. Hemi danah phei chuan mi harsa te leh mi an ram atanga luahlan mirethei ram neilote tan Sorkar-in ram nei te ta a lei sak a, chung ran chu chung ram nei lo ieh luahlan te tan a pek leh a, an nin zawi zavia rulh dan tur a Rules siam a ni a. Tunah hian Mizoram Land Act a that tawk loh em em avangin cheng sing man hi cheng nuai tam takin an lei a. Hei hi Sorkar exchequer atanga pawisa tam tak senna a niin corruption-ah pawh kan inpuhna mek a nih chhoh lai hian kan ran lei dan dik tawh lo siamthatna tura Rules siam tumna chu a ngaih pawh an la ngaihtuah lo em ni tih kha Minister incharge ka'n zawt leh ang e.

PU F.LALREMSIAMA

: Pu Speaker, he House zahawm t takah hian tun leh tunah, hniak phawi lo ti ila a dik chiah lovang a, kan Minister zahawm tak khan zawhna a rawn chian khan tumna Rules siam tumna a awm lo a ti zo chauh a, rawn din nawn lehin zawhna phenah hian tumna a awm a ti leh hi he House-hi a zah lo lutuk a ni lawm ni?

PU C.VULLUAIA
MINISTER

: Pu Speaker, ngun taka kan ngaihthlak chuan zawhna phen ah tumna tha tak a awm tih a ni tih kha kan vaiin kan hriat ka ring.

S P E A K E R

: Zawhna starred question No.3 na Pu F.Malsawma -

PU F.MALSAWMA

: Pu Speaker, starred question No. 3

Will the Hon'ble Minister in-charge Sports & Youth Services Department be pleased to state -

Ramhlun Indoor Stadium siam
that anih dawn leh dawn loh ka rawn zawt e.

S P E A K E R : Pu P.C.Zoramsangliana, Minister.

PU P.C.ZORAMSANGLIANA : Pu Speaker, Ramhlun Indoor Stadium hi siam that a ni dawn a, tunah hian a chhuat leh tukverh thenkhat te a mawihin bal mai thei dinhmunah a awm a. Engineer ten Plan & Estimate an buatsaih mek a, pawisa a awm hun rem-chang hmasa berah siam a ni ang.

PU F.MALSAWMA : Pu Speaker, zawh belhna. Hei hi Minister nen ngeia kan tlawhna kha a rei tawh viau a, Engineer te hi an va chak lo awm em em ve. Plan and Estimate siam tur hian kan hrilh tlai deuh nge kan Engineer te hi an efficient loh hrim hrim ? Pawisa a la awm lo nge ? Tun Financial year chhung hian hemi siam that hna hi an thawk thei ang em? tih hi ka zawt nawn leh duh a. Hei hi Sorkar pawhin a rawn hmang nasa thin a. Tin, Association pawhin an hman ber pakhat a ni a. Tunah sawn a chung, hetiang bang hi thli na deuh rawn thawk sela, bal mai thei rawn tla mai theiin a awm a. Nunna atan a hlauhawm thei thil a awm a. Chuvang chuan a siamthat hna hi rang takin in rawn thawk thei ang em? tih hi ka rawn zawt duh a ni.

PU ZORAMTHANGA : Pu Speaker, zawh belhna, kei pawh ka hriat chian ve avangin zawh belhna karah a Minister pawh thu han rawn ve pah ka duh a. Hmanah a chhuat hi e chhiat lutuk avangin an thlak a. Kum khat a liam awrh tih khan hman theih der lohvin 2"x3" (duitin) phel rem kha a awm nghal a ni, a chhe lutuk a. Chuvangin kan mangang lutuk a, a vangin Estimate kan siam a. Rs. 30,000/- in a repair vek theih a, "A vengin kan thawk ang e" an ti a. Keimahim a Minister hnanah ka rawt ringawt mai tawh a. Chuvangin, a Minister hian siamthat leh an tum anih pawhin uluk takin enpui se la. Chutilo-chuan hmanah pawh a nuaih biin kan seng a, kum hnh/khat pawh a daih lo tak tak ania. Chuvangin, Minister hian Engineer lam side ah nge, a vang a chhiat hlau tak tak an club te hnenah hian lo enpui turin, a tak tak-a tha tura bei nghal turin min tiam thei em? kan ti a ni.

PU P.C. ZORAMSANGLIANA : Pu Speaker, zawhna neitu rawn sawi eng khan a bial a nihna angin kan endun a. Chungah

chuan Plan and Estimate pawh siam nghal vat turin kan ti a. Mahse hna a tam em mai a, sawmi saw a hmanhmawh thlak loh tihna ni lovin. Central atanga pawise tam zawk lak luh tumna kan neih ve bawk evang tein chungteah chuan kan han in concentrate duh a. Tunah hian ka sawi ang khan Plan & Estimate siam lek a ni a. Pawisa a awm veleh rang takin kan siam ang tih kha ka'n chhanna ni sela.

Tin, Champhai bialtu zahawm t takin a sawi ang khan uluk takin kan en a. Saw Hall ah sawn vanduaina tak kan nei e. A hnuiah sawn tui a tam em em mai a. Kan Engineer ten tha tur ango an ngaih a thing kan phah thin pawhin hnuai lama tui lo put thinin harsatna min siam a, kan Engineer ten tha zawka tihdan tur hnuchhuakin an inhria a. Alkatra te uluk taka phaha chumi zawnah chuan 2"x3" phel pawh chu ni sela, a tlo zawk ang tih hi an hmuh dan a ni a. Tin, an sawi angin a Department mai ni lovin a veng neitu te leh helama mawhphurtu te involve a heng hi hma lak tum a ni e.

S P E A K E R

: Starred Question No. 4.
Dr. R.Lalthangliana i lo ko ang.

DR. R.LALTHANGLIANA

: Stamp Act hi Mizoramah hman lai kan nei em? tih Minister ka zawl e.

S P E A K E R

: Pu C.Vulluaia i lo ko ang u.

PU C.VULLUAIA
MINISTER

: Pu Speaker, Mizoramah hian Indian Stamp Act hi kan hmang mek a ni.

DR. R.LALTHANGLIANA

: Pu Speaker, zawl belhma hei Judicial Stamp leh Non-Judicial Stamp te hi uluk lo em em hianin kan hmang niin a lang a. Hemi chungchangah hian dan mumal tak, table fel tak leh a chi hrang hrang a hmanna zat ang chi fumfe tak a awm vek a, hetiang ang hian Mizoramah kan hmang ve lova a hmang remchang changin kan duh zat zat kan lei a, khatiang khan kan hmang mai mai a, hei hi Sorkarin a hria em? hria se angtia tih nge a tum tih ka zawl a, pahnihnaah chuan heng Stamp paper te hi Mizoramah hian awm loh hun hi a tam lutuk ta a, hemi chungchangah hian Sorkar hi a inthlahdah lutuk niin ka hria a, eng ngeni a chhan tih kan zawl duh a. Tin, pathumnaah chuan House tax payee certificate nei ho tan hian Stamp paper hi lei a ngai lovang tih niin ka hria a, helaiah HTPC nei lo tam tak, Mizo nilo, hnam dang an awm a, heng ho hian House

tax payee certificate ai khan a awlsam zawkna tam tak a awm evang khanin a bik takin hnamdang In leh Lo nei lo te hian hei hi an hmang nasa niin a lang a, hemi chung+ changah hian Dan mumal kan kalpui dan tur tak he House ah hian min hriattir thei em tih kan han zawt nghal a ni.

PU F.MALSAWMA : Pu Speaker, State thenkhatte hian an print tira kha khe keinin khawi khawi ami a maw kan lei chhawng a, kan hralk leh niin a lang a hmannah dan hre miten an sawi dan chuan keimahnin kan Sorkar pawh hian print tir ve a, keimahnin helaia royalty lak theihna kha revenue siamna tha tak ni thei tur niin a lang a hemi changchang hi kan Law Department hian a lo examine tawh em? tih hi ka'n zawt tel duh a ni.

PU C.VULLUAIA
MINISTER : Pu Speaker, heng Indian Stamp Act 1899 te leh Court fees Act 1870 te hi Britihsh hun lai 1930 ah khan Mizoramah hman ve tura tih a ni a, chulaiah chuan kan ngaihthlak tak ang khan Mizotawnga chhiah pe ho tan hian kha mi kha a ngai love tih angin thu a awm. Amaherawhchu, thubuai hlabuaia ukil te leh Court-ah mi rawih ang tur chi ruai te tan erawh chu hman tho tur tih a ni a. Hei hi a dik tak chuan kan rilru leh kan ngaihtuahnah hian kan theng athawngah a kal vek lova; zep tur a awm lova. Tun tumah kan Member zahawm tak te zawnha atang hianin tute tan emaw chuan rin aiin lu a tihai tih te pawh hi ngaihtuahnah chhuah chawp ve bawk zel a ni. Chuvangin he zawnha eng atang hian hengte hi ngun deuh zawka, lo thlir tum zawk tur a ni.

PU F.LALREMSIAMA : Kan hriatchian koh kan han zawt ani a. Heng judicial leh Non-judicial stamp te hi khawi khawiah nge an hralk? Mizoram chhungah hian mimal hralk tir an nei em? tih leh heng account atangte hian pawisa engzatnge kan hmuh tih kha Minister in min hrilh sela.

PU C.VULLUAIA
MINISTER : Pu Speaker, hemi a Revenue Stamp kan tih hi chu Dak in atanga hralk ani a. Tin, Court Fee Stamp tih ang chi Judicial Stamp hi chu D.C. in khatiang hrailtu tur chu contract in mimal hnenah pek a nei thin a ni. A duh apiang hralk theih a ni lem lo.

PU F.LALREMSIAMA

: Pu Speaker, zawh belhna kan zewhna hi tuma min chhang thei lo anih pawhin nakin a min chhan pawh a pawi lem lova.

Entertainment tal kan stamp hmante hñ he i hi a ni kan vei chu, hengte hi a hria em? kan Minister zahawm tak khan sipai lamte hian an hmang deuh viau a nia. A chang chuan stamp tel lovin ticket an hralk mai mai tihte hi sorkarin a hria em?

PU C.VULLUAIA
MINISTER

: Pu Speaker, a bengvar thlak zel a. Khang entertainment ta tihte kha Law & Judicial lampang khawih zuk ni haugh lova. Taxation

lampang khawih ani a. Tuma chhan kheih loh pawh Member te hriat duh kha, a theih ang ang a chhang tura mawhpurhna chu kan la a, a theih ang ang a hrilh chu kan tum dawn nia.

S P E A K E R

: Zawhna 5-na zawt turin Pu Lalsawta ilo sawm eng.

PU LALSAWTA

: Pu Speaker, ka zawnna 5-na, 'What is the reason for the delay in introducing the Mizoram Civil and Criminal

Code Bill #991 for passing in the Mizoram Assembly?

PU C.VULLUAIA
MINISTER

: Pu Speaker, tuna a zawnna 'Code' tih kha tihpalh a ni ang. 'Court' tih tur ani ang. He House a ngaihtuah tura alo thlen loh chhan chu Dan thar tur anih avangin fimkhur a ngai a, sorkar in expart committee (select committee) siamin chu mite kutah chuan a pe kir leh a. Chu mite chuan sorkarah or Department ah an la rawn thlen lo a ni.

PU LALSAWTA

: Pu Speaker, zawh belhna, Hemi criminal aeh civil a procedure ah hianin Cr. P.C. te, Civil Code te kan hmang a,

mahse Mizoram a hman pumhluum theih loh a tam em em a. Harsatna kan neih avang leh Mizoram tana kan phak tawk tur a ruahmannna hi 1991 a tih tawh a ni a, peih vek tawh ani bawk a. Minister in a sawi angin fimkhur zawk a tih angaih pawhin Session lehah chuan an rawn pulut thei tawh dawn lawm ni? tiein ka zawt e.

PU LALKHAMA

: COURT ni lovin CODE a ni e.

PW LALHMINGTHANGA

: Pu Speaker, ka lawm e. Ka
Minister khan COURT a ti mai a.
Khami zawng kha chu a ni thei lo
hrim hrim a. Chuvang chuan a

statement kha a withdraw leh a va tul awm ve? Tin, chubakah
hemi Civil & Criminal Code hi Mizoram hian kan neih a pawi-
mawh tak zet a. A bik a keimahni nunphung te thil pi pute atanga
kan ziate chu ang leh tuna kan hman lai CRPC tih te leh thil-
dang a hi a inmil lo em em a. Entirnan, theiriatah chuan
nikum hmasa khan pa pakhat chuan a awm pui kha zawng zim
puieh a sawm a, tahchuan a awmpui chuan bawng emaw tiin a
kap palh ta a, a thih hma pawhin a ngaidam hman a. Amaherawh-
chu, Indian Penal Code dan chuan kha kha non-compoundable
trace a lo nih si avang khan enmahni chhungkaw chawm tura
a thi tur khan thu a chhiah kha Code hemi kan hman lai khan a
dan khan a ngaidam zo lo a ni. Chutiang chiah chuan thil chi
hrang hrang Civil-ah leh Criminal-ah hian harsatna kan hnam
nundan nena inmillo tam tak a awm a. Entirnan, inneihnatte
pawh hi hetah hian lo sawi kai dawn ila, khawi ber hian nge,
khawiber hian nge certificate rintlak tur pe chhuak ang tih
te thlengin vawiin thleng hian kan sorkar danah Civil danah
emaw Criminal lampang ehu va khawih lo mahse khangah khan a
awm lo a ni. Chuvangin hei hi a mamawh takzet a. Chuvanga
khatiang kha keimahni hnam mila duanchhuah tura buatsaih chhoh
ani a, tikhawtlai zel pawh hi a hun tawh love. Chuvang chuan
kan Minister, zahawm tak hian hun chumi hma chuan heng hi peih
theih ani ang tih ang zawng khan. Tin, a siamdan turah pawh
Select Committee chuan kan hnem ngnphung leh kan thiltihdan te
pipu atanga kan lo awmdan, ramdang dan kan ramin a sut chhiat
helaia te hi siamtha tur chuan hna an thawk ang tih assurance te
min pe thei em?

PW C. VULLUAIA
MINISTER

: Pu Speaker, kan thil hming kha
helaiah keini chuan COURT kha kan
lo hmang phawt a. A chhan chu,
District Council Court tih te,

Criminal Court tih te, Civil Court tih te neih a tha a. A
that ang rual rual khan eng engemaw te hi chu finkhawm ngai
a awm awm mangs tih ngaihtuahna atanga tunlai mil tura he
Court Bill hi siamah kan inngai a. Tin, IPC tiha Court kha
CODE ani a, CRPC-a Code chu CODE a ni a, khatiang ang khan hei
pawh hi Mizoram Civil & Criminal Code nise tihte kha alo dik
zawk te pawh anih chuan Select Committee khan an rawn tih ka
ring tlat. An introduced tawh anih chuan COURT-in an introduce
ngei ngei ang. (Member dangte an lo tawng a) Ni e, CODE tiin
record a awm lo ang hi chu kan sawi lo phawt ang a. Amaherawh-
chu, dik lo awm thei leh belh ngai awm thei anih avangin Select
Committee ten an rawn tihfel hunah a hmingte pawh a tul leh kan t.
thiak anga, kha kha erawhchu tunah hian inhniallo ila. Tin,
assurance lam erawh kha chu Pu Speaker, hengte hi 1991 lai thil
anih avangin kan lo enzui ange tih chin bak kha chu, hun
lampang kha chu a harsa deuh a. Khalai Select Committee te tan
pawh kha zawn fe ngai ani tawh a. Chuvangin helai hi chu kan
lo enzui ang e tih khan ka chhang e.

PU F.LALREMSIAMA

: Pu Speaker, kan Minister zahawm tak hian he House hi a zah lo lutuk niin ka hria a. Thil a hriat loh chuan zawhna hi a zawttu-in a zawh e, a Department a Officer ten an buaipui lai khan engkim a zawt tur a ni a. A Bill hlui leh expert te (Select Committee) report te kha a lut tawh anih chuan a en vek tur ni kha a words spell thu ringawtah te chiang lovin kan awm a. Tin, a kalphung hrim hrimah hian a in zir lo lutuk a, he House hi a hmusit lutuk niin ka hria a, a inbuatsaih lo hi. Tun hnuah chuan khawngaih takin he Minister hi inbuatsaih tawh se, a thu hi hria se, zawhna te pawh hi chhang ngun thei se, kan duh tih hi min hrilh sak la. Tin, hetianga Bill hlui tawh lokal leh duh ta reng reng lo hi hei a rei leh tawh lutuk a, session leh ah chuan rawn luhtir ngei ngei turin assurance min pe se, ka duh a ni.

S P E A K E R

: Committee thuah khan, nichin-a in han sawiah khan Select Committee tihte kha, keimahni House Committee thil ani lohvang a. Tin, anmahni committee bik te pawh a ni thei anga. Chulaiah chuan, hemi keimahni House Committee bik thil anih khan chuan nichina Member zahawm tak Pu Remsiama'n a tih ang khan Minister pawhin a lo enzui a tiam ang khan keini a House pawhin kan lo enzui ve ang e. Khalai Dan kha dan pawimawh tak la inthup ta reng anih si avangin.

PU LALSAWTA

: He House zahawm tak hi Minister in-charge khan thil hre loin min hrilh a, min misguide (ani lo zawngin min kaihuai) thui hman hlein ka hria a. Chuvangin, khawngaih takin member pui pawhin a rawn sawi tawh ang khan tun hnuah chuan a Department hi zir ngun seng. Zawhna pawh hi uluk zawkin min chhan sak thei turin ka han sawi tel duh a ni.

S P E A K E R

: Le, zawhna parukne kan la anga, Dr. R.Lalthangliana.

Dr.R.LALTHANGLIANA

: Pu Speaker, ka Starred Question no. 6-na "Mizoram Budget 1993 - 94 a Adrocate General Budget atana sum hman ralnate ka zawt e.

S P E A K E R

: Pu C.Vulluaia.

PU C.VULLUAIA
MINISTER

: Pu Speaker, a figure nen fel
taka han sawi hi inbuatsaih that
entirua a ni a. Hei kum 1993-94
chhunga Advocate General leh a

office atana sum hmanral hetianga a ni e.

1. Hlawh atan Rs 1,37,690/- leh M.R.
Labour pathum rawih nan Rs 58,235/-
leh Stationery atan Rs 67,877/-
2. Motor atana sensc Rs 47072/-
3. Law Kamrang Leikkhabu lei na
Rs 2,25,098/-
4. Professional charge ukil anga
mite han rawih lawk tul ve atan
Rs 2100/- sen ral a ni e.

Grand Total chu Rs 5,38072/- a ni.

Dr. R.LALHANGLIANA

: Pu Speaker, zawk belhmaah chuan
hemi kuma budget a dah hi nuah
10 chuang ani si a. Hezi chauh
hmanralna awm a hi engnge ni a

chhan tih ka zawt duh a.

Tin, chu lo lehah chuan hemi
kum hian Adrocate General hi kan nei lo niin a lang si a,
vawiinni thleng hian khalaia a han chalai tu ber mihring
awm bawk si lo a, hetianga sum a kal ral vak vak maia hi a
chhan he House ah hian min hrilhfiah thei em tih hi ka han
zawt tel nghal a ni.

PU C.VULLUAIA
MINISTER

: Pu Speaker, thei e. Salary
tihah khan Adrocate General Office
ah hian mi rawih steno grade I
pakhat, U.D.C. pakhat, L.D.C.
pakhat, Peon pahnih leh Sweeper-cum-chawkidar pakhat; chung
mite hlawh chu salary tih head ah khan pek an ni a. Tin,
A.G. erawhchu hemi period chhungah hian kan nei lo a ni.

PU LALKHAMA

: A.G. kan neih loh aveng hian
High Court Bench hi a function
thei lo tem ni? Engganginng A.G.
kan ncih theih loh?

PU C.VULLUAIA
MINISTER

: Pu Speaker, zawkna pakhat lo
kal leh tur nen a inzawm mai
thei a. Amaherawhchu, hun te
pawh nakin atan a awlsam zawk

nan A.G. kan la neih loh lai tak a ni a. Hei hi Sorkar-in nei turin tan a la a, remruatna thui tak a kal a. Canet meeting awm leh hi chuan thu tawp a neih theih tura thu dah a ni. Chumi kan neih rih loh lai chuan kan High Court sitting pawh tlemin khulam atangin harsa tihna an nei aniang kan nei lo deuh vang vang mai a ni.

S P E A K E R : Zawhna pasarihna Pu F.Lalrem-siama.

PU F.LALREMSIAMA : Pu Speaker, ka Starred Question No. 7 na one leh two hi Minister in-charge Land Revenue and Settlement Department chhan turin ka zawt e.

S P E A K E R : Pu P.C.Bawitluanga.

PU P.C.BAWITLUANGA
MINISTER : Pu Speaker, Member zahawmtak in a rawn zawhna kha Tanhril leh Sakawrtuichhunah hian eng eng emaw S.S.B. ho hianin an chenna tur awm vel te chu duan nialnual an nei a. Tin, pahnihnaah khan a rawn zawt leh a eng ang mite nge ni a? Chung ang te chu an ram rawn zawrh tu te an awm em? Tin, chungah chuan engeni Committee ten heng ang hlut zawng leh tih te hi assess tawh a awm em? a rawn ti bawk a. Tuna a lan dan maiah chuan mi 18 lai mi an rawn zawrh a. Amaherawhch hei thu tak hla tak a la chang lemlo anih avangin Sorkar angin han buaipui teh chuk a la mi love.

S P E A K E R : Zawhna 8-na Dr. R.Lalthangliana.

DR. R.LALTHANGLIANA : Pu Speaker, ka Starred Question No. 8 na total fund last received from National Cooperative Development Corporation for the three Districts of Mizoram tiin a rawn lang a. Amaherawhchu, helaia kan sawi belh duh lawk a chu - Integrated Cooperative Development Project (ICDP) bille khalaia kha a ni tih kan Minister khan min lo hriat sak se. Chutiang chuan zawhna a awm a ni tih hriain he zawhna hi min chhan theih chuan ka lawm khawp ang.

PU C.VULLUAIA
MINISTER

Pu Speaker, he zawhna chhaw
atan a tlangpui hlawk blad
nan sawi ila. A zawh duh tek
a kha'a tawp nan kan hmang
ang a. N.C.D.C. atang hian Aizawl District a Handloom
Cooperative Society pali ten 760,000 a belh khawmin on
hmu a. Lunglei District a skutiang pahnih ten 385000 an
hmu a., Khawiva Food and Vegetable Marketing Cooperative
Society ten 140000 an hmu a. Avai a belhkhawmin 128500/-
kan hmu a. Tin, tunkum kallaiah hian Aizawl District ah
mi 15 ten Society sawmpanga ten 3170000 an hmu a. Lunglei
a pathumin 786000 an hmu bawk a. Chhimtuipui an tello
thung a. Hemi District pahnih te atanga velhkhawm hi nuai
3950000/- a lo ni a.

Tin, share capital an tih hi
Aizawl District a mi Society pali-in nuai 33 an hmu a.
Lunglei Society pahnihin Rs. 385000/- an hmu a. Chhimtuipui
an tello bawk a. Tin, zawttu in a zuk zawh tak a kha
Integrated Cooperative Development Project ah khan Aizawl
District leh Lunglei District leh Chhimtuipui District
huang tura ruahman tur anih laiin Aizawl leh Chhimtuipui
sanction chauh a lo la thleng a. Aizawl tan nuai 355
Chhimtuipui District atan nuai 171. Avaiin nuai 526 hi
rawn pek tura phal a ni a. Chuta tang chuan nuai 69 hman
theihin an rawn sanction tawh nghe nghe a. He laiah hian
kut kan la thlak lova. Pu Speaker, keimah ngei pawh
Delhi-ah kalin a hmunpuiah Mizoram zimteah Lunglei tello
hian hna kan tan ngam lo ani ka ti a, ziak lohin, hemi
anih hma hi chuanin tangka min rawn pek pawh hi Bank ah
kan dah ringawt dawr a ni ka ti a. Tichuan, kan tih tur
ti mekin Delhi ah te Officer te thawnin hetiang ang tene
an awih zawnge Project report siam tur mite National Pro-
ductivity Council emaw NCDC an tih khawi zawk zawk emaw
induh zawk zawk hi rawn pawm rawh-u tiin kan zu tir a,
tichuan Narional Projectivity Councel hi min rawn pawm
sak a, Chu chuan Lunglei District Project report chu an
buatsaih a, an la zolo deuh a. Tun atanga karhnih khat
lekah an zo dawn a ni tih thu kan hmu a, an rawn zawh a
kan hnен a thlen veleh special messenger in he hi NCDC
Headquater-ah kalpui a, sanction hmuh hunah pheikhai rual
taka helai kan rem District pathum te bul ten rual theihin
dan tur ngaihtuahin Department lam atang chuan thil tul
tul te chu hma chu lo lak mek a ni a. Chung atan a pawl
emaw mawhphurhna nei tu tura an siam Project Implementa-
tion Agency an tih te, Project Implementation Team an
tih te chu kan lo form fel chiah chiah tawh a ni.

S P E A K E R

: Lo ding la, hei Question hour
a zo tawh a, han zawt leh ta
chuan i duh tawk teh ang.

DR. R.LALTHANGLIANA

: Awle, ka zawh belh duhna chu
kan Minister zahawm tak khanin
Lunglei kha tun hnai a tih leh

ang khan a rawn sawi a, hei hi ahma khanin Project report buatsaih lai khan Lunglei District hi telh loh hrim hrim anih avanga hmu lo kan ni a. Tun hnaiah kei pawhin ka sawi ve na lai kawng pawh awmin ka hria a, pawi ka ti khawp mai a, chuvang chuan, cheng nuaih zathum chuang chuang Aizawl District-ah, Chhimtuipui District-ah nuai 170 chung chuang kan hmuh lai-a Lunglei-a pakhatmah kan hmu lo hi, hei hi nakinah chuan chin tawh loh nise thain ka hria a, helai atanga kan ngaihtuah loh avanga a hun laia kan thehluh tel loh vang a ni tih hi kan Minister hian hria se ka duh a, Tin, chubakah chuan tunah khan hmuh leh theih mai tur anga a rawn sawi kha, ngaihtuah chian angai viau mai awm mange aw-ka ti a, hemi District pahnih atana an pek tawh, Chhimtuipui leh Aizawl ami hi an han hmang phawt anga an performance a zirin, Lunglei chu kan ti ang, la ngaihtuah chauh a ni ang an tih pawh hi kan Minister hian sawifiah deuh se a thain ka ring, chu chu ka zawkna a ni.

S P E A K E R : Duhtawk phawt ang aw.

PU ZORAMTHANGA : Pu Speaker, question hour atawp chuan thil zero hour-ah tawite han ngen duh lawk che ka nei a. Hei ahmasaberin

House-a kan lo luha kan dawkana kan hmuh chu lekhka sen dang Mizoram leh Assam Chief Secretary te inbiakna chungchang sawifiahna kan hmu a, kan Sorkar-in a ngai pawimawh em em a. Member tinte kan lo hriat tlan a duh a ni tih. kan hria a. Chuvangin, kan Sorkarin a ngaihmawh ang bawk hian Zoram mipui pawhin kan ngai pawimawh a, keini he ta House a kan member te pawhin kan ngai pawimawh theuhin ka ring a. Tichuan, hemi keimahni theuh pawh kan chhiar theihna atana member te hnena lekhka an lo dah Chief Secretary pahnih tera an sign hnan a, hemi chungchangthuah pawh hian kan hriatna chu Chief Secretary Mizoram. Chief Secretary leh Assam Chief Secretary te inbiakna kha Kumbigram Airport a Chief Minister pahnih Mizoram Chief Minister leh Assam Chief Minister te thutlukna decision pursue nan a siam a ni tih a ni a. Awarding-ah pawh. Chuvangin, he-laiah hian hemi kan Chief Secretaryte pahnihte thu leh hla hi chu kan hre tlang tawh a, awarding a te pawh kan zuk hmu a, Amaherawchu, kan Chief Minister pahnih ten tuna Mizoram chhunga buaina leh Cachar lama buaina chungchangthua thla tel ngawt mai mipuiina harsatna chi hrang hrang kan tawhna, kan tawrh mek hi hetia kan Sorkar lu ber te pahnih, Mizoram Chief Minister leh Assam Chief Minister ten decision pursue tur an lo siam, heta an decision-a hi hriat kan chak em em mai a. Chuvangin, Sorkar pawhin heta a hrilhfiyahna Chief Secretary pahnihte inbiakna sawifiah tul min han sawifiah sak a, a ziak min han pek zung zung ang hian kan Chief Minister zahawm tak hian Assam Chief Minister nena an decision chu tunah hian min han hrilh lawk sela. House-in kan tuihalna a ni a, Mizoram mipuiin kan tuihalna ber a ni a. Helai hi min han hrilh lawk sela tiin ka'n ngen a ni.

- S P E A K E R : Ngawi rawh, kan business-ah
in kal chho phawt teh ang.
Tuna kan tih leh tura chu
tuna kan Session.
- PU ZORAMTHANGA : Kan Chief Minister zahawm tak
hian Pu Speaker, hun ka duh
a ni, hemi atan hian. Naktik
emaw, naktip emaw a ti a nih chuan thu hran ni sela.
Amaherawhchu, khamia kan thil a decision lian a kha chu
hriat loh tur leh a number ka theihngihlh a ni tih awm
chi a ni lo va, figure awm vak chi a ni lo va. Min han
hrilh thei mai lawm ni? Hei tluka keimahnia mamawhna a
awm hlei nem maw le.
- S P E A K E R : Nia, i ngenna i rawn sawi a,
House Leader pawhin a hria a.
- PU LALHMINGTHANGA : Pu Speaker, Dan te hi Sorkar-
ina Press Release a rawn siam-
ah hian hei hi dan awm lo a
ni ti te'n an rawn ziak mai mai a. Dan awm a ni chiang
em em a. Ayodhya buai lai ang te pawh khan heng hi Na-
tional Paper-ah te pawh vawi tam tak kan hmu a. Chutiang
chuanin he inremna lehkha, an tih hrim hrima hi a lan dan
ah chuan inremna pawh ni lovin, Mizo te hremna lehkha,
penalty for Mizoram for their crime tih ang deuh, punish-
ment for Mizo people tih ang chauha lang a ni a. Tin,
chubakah Gupta Commission te an siam a, khang khan terms
of reference te nei tur a ni a. Chumi pawh siam hmaa,
hetianga Chief Minister pahnih, Minister of State for
Home Affairs khabe hnuiai khami kal pel thei lo tura deci-
sion an lo siam, Chief Secretary te pawh an ziak chhuah-
tir lehah hian, a lan danah chuan official te pawh hian
Zoram tana an duh ang, an thluak leh huaisenna te pawh
hmang thei lo khawpin rorelna sang ber chelhtu Chief Mi-
nister kut atanga hei hi hupbeh an ni te pawh hian a lang
a. Chuvangin, Zoram pumpuiah tuneh kan rum chur chur a.
Eng ang zat nge lei kan chawi dawn hriat a ni lo va. Mi
tin-in an hisap a, hetianga chhia reng reng hi kan ram
historu-ah a la awm ngai lo a ni. Chuvangin, hei hi Chief
Secretary te pahnih awm chhuak pawh a ni lo va. Chief Mi-
nister te pahnihin Kumbigram-ah, Pu Hiteswar Saikia leh
Pu Lal Thanhawla'n an inremna dungzuia an siam a ni tih
an ziak lang a. Tin, kha kha chawlhni a ni a, tah'hian
dawt an rawn ziak lehngthal a. Ni 17.10.1994 a an inhmuh
na ang ti khan. Hei hi Monday a ni a. Sorkar meuhvin a
ziak a hetiang ang a a ni te pawh ziak dik ngam lo leh he-
tiang thil hi kan ram history-ah pawh a la awm ngai lo a ni.

Chuvang chuanin, Pu Speaker, hei hi chu sawifiah selang-in hei hi han discuss bawk ilangin. Chutilo chuanin Zoram mipui tan hian awmngaihna pawh a hriat theih ta lo a ni. Chuvangin, he hi kan tih loh chuan, rorel tlak ni ah pawh kei ka inngai lova. Hetiang ang khawpa document chhia, Assam lamin engmeh pawisa pakhat pawh min pek tur leh khatiang awm si lo, a tuartu dik taka chu vawin-ni thleng hian Mizoram kan ni. Chutih laia tlawn lutuk, a hnam tana zahthlak thil hetiang ang hi House hian a ngaithiam dawn em ni? Chuvangin, heta tan hian hun kan pe tur a ni. Pu Speaker, hei hi siam hram rawh.

S P E A K E R : (Member te an lo tawng nuai nuai a) Ngawi rawh, hei Home Minister pawhin statement siam a tum a, hei a rawn dil a, chu chu phal a ni a. (Member te an lo tawng nuaih nuaih a) Awle, lo thu teh u.

PU ZORAMTHANGA : Pu Speaker, Adjournment Motion kha statement tih theih a ni. Adjournment Motion erawh chu he House Business hi adjourned-na i rawn submit a ni a, nimahsela, engatinge tih a nih loh. Chuvangin kan demand kha tunah chuan kan hriat duh a ni. (Member te an lo tawng nuaih nuaih a)

S P E A K E R : Awle, khawngaih takin lo thu teh u, hei House a Winter Session kan duh a, kan buatsaih a, kan ti chhova ngaihmawh innei a, in sawi pawh ka hria a. Amaherawhchu, tuna keimahni Session business B.A.C. lo report-a pawh hi kan pawm hmasak a ngai phawt a ni. Tuna hetia kan chimbuai mai chuan a dik dawn lova. B.A.C. report hi kan sawi a nge. Monday 7, 1994, hi Government Business a ni a, ni 8.11.'94 hi off tur a ni a. Tin, ni 9.11.94 hi Government Business - Introduction Bill a ni anga, tin, chutah consideration a ni a, pass theih chuan pass nghal pawh kan tum anga ni 10.11.94 chu Government Business atan dah a ni a. Consideration leh pass tum a ni anga. Tin, ni 11.11.94 chu ken dan pangngaiin Private member business a ni ang a, question engemawzat a awm a, chu chu tunuma kan Session a, kan programme tur chu a ni a. Hemi kan programme a hi House-in a min pawm sak a ngai a ni. Chuvangin, tuna report kan han pek taka kha khawngaih takin min pawm sak turin ka ngen a ni. Tunah a copy kan han sem ang a.

PU LALSAWTA : Pu Speaker, tuna discussion tur an rawn ngenna kha zeh tel a rem lawm ni? kan pawm theih loh chuan dan lc ang kan ti

leh si anga. Thil a kal thei lo anga, khalaite kha han ngaihtuah lawk la. Tin, kan House Leader zahawm takin a statement khatiang a pek a remtih leh tih loh pawh i zawl chhin lo reng reng mai a. A peih chuanin han kal zawk mai sela. A tha lawm ni?

S P E A K E R : Han sawi rawh ule.

PU LALHMINGTHANGA : Hemi Advisory Committee-in a an rawn ruahmannang hi House-in a thakan tih leh tih loh thu a proposal chauh a ni a. Hemi tuna in han puanna ang leh an rawn semah hian, tuna Mizoram mipuiina kan hriat duh ber leh chiang taka kan hriat duh Assam Chief Minister leh Mizoram Chief Minister-in Kumbigram Airport ah ni 16 chawlknai ah kan sakhaw hun serh Chawlhni ah khan Minister of State for Home Affairs Mohanmmmed Sayed a hriatpuia khata an siam a te kha kan discuss thei dawn anih loh chuan, heng a dang kan business a mi reng reng Winter Session a mi tur a hi chu, a pawimawh dan a hi tun Mizoram context ah chuan number 3-na pawh an tling le a ni. Chuvang chuan ka rawn rawtna chu Business Advisory Committee hi thu khawm leh sela, naktuk hi off tur a an tih a ni tho tho a Tichuan, vawiinah te chuan Bussiness khang kha kan discuss thei dawn lo anih chuan Bussiness hi cancel ilangin, fresh proposal rawn siam leh selangin, House hian a pawm leh pawm loh chu chu hetah hian zawk leh ni chauh se, chu chu kan rawt ani.

S P E A K E R : Awle, khami BAC, hei hi Committee in a a ruat a kha kan pawm em? Awle, kan pawm a nih chu.

PU LALHMINGTHANGA : Pu Speaker, kan pawm lova, helam hian, amaherewhchu Member tamna chhuangin tumah hian pawm ti tia puang inih chuan min palzut lui ani. Hei hi rorelna dik tawk lo ani a, palzutna, barh luigna ani tih kha huat tur ani.

PU LALRINCHHANA : Pu Speaker, tunah hian Adjournment Motion kha mi i tih tir thei dawn lawm ni?

S P E A K E R : Thei hrih lovang.

S P E A K E R : Ka la ngaihtuah love, i rawn theh lut a. Nichihah pawh a legality te kan han ngaihtuah anga kan tia. Chuvangin, kan theih loh thu kha ka sawi tawh a.

PU LALRINCHHANA : Pu Speaker, Adjournment Motion chu kan put luh niah khan tih nghal tur ani dawn lawm ni? Adjournment Motion ani a. Kha kha ngaihtuah tlak fitih chuan kan ti nghal dawn lawm ni?

Dr. R.LALTHANGLIANA : Pu Speaker, hei House-ah hian enggatinge kan sawi hreh em em he thil hi a pawimawh ani. Chuvangin thil zep ruk tha lo a awm em ni? Engatinge ni, sawi kan hreh em em a, sawi ila Mizoram a kan rorelna sang ber ania, he thil kan sawi theih lohna tur House hi em hi?

S P E A K E R : Adjournment Motion kha maw a hma in lokal se, Bussiness-ah te khan a tel tur ani a. Mahse a tel lova.

PU ZORAMTHANGA : A hma a kal tur khi a chu thil hran ani a. Amaherawhchu, public importance urgent a awm a. Chuvang chuan, Bussiness dang pawl tawlh hnun a, hei hi ngaihtuah a tul avanga, hei hi Adjournment hi awm a ni. Chuvangin question hour-ah ngaihtuah nghal tura dan pawhin a a dah ani. A pawimawh avangin ngaihtuahna tur period awm nisela rei nghak thei chi nise .Adjournment Motion-ah tuman an pulut lovang. Emergency ani-h avanga emergency ani. Chutiang chuan Adjournment pawh adjournment hi a tulna chhan chu House Bussiness dang zawng zawng kha adjourn a tawlh kir a, thil pawimawh hmasa a awm avangin a dang chu i adjourn ila, question hour zawhah hei hi ti ang u tiin an rawn pulut ani a, kan ngaihtuah ang e nidangah tih kha chu ani tawh lo reng reng. Chuvangin kha kha a danah pawh khan a inmil tawh lo reng reng ani. Chuvangin adjournment motion a nihna taka kha vawiin a question hour-a ngaihtuah a tul avanga Bussiness dang pawh adjourn a tulna a ni.

PU LALHMINGTNGA : Kan dan Bung 13-na dan 63-na khan 'Method of giving notice' ati ta a. Khatah khan sitting hemi nikhat atana a sitting a

a commerce hmain hemi public importance ah chuan 'Motion for adjournment on the matter of public importance' kha thehluh theih ani ang a ti a.

Tukin zingah khan i room-a kan awmlai ngeiin MIA zahawm tak Pu Lalrinchhana'n hemi dan tlawhohhan hian a rawn thehlut a ni. Chuvang chuan'ka ngaihtuah hman lo' tih kha a thiang lova. Chuvang chuan 'kha kha ka ngaihtuah hman lo ani' i ti a, kha kha order dik lo ani a, chuvang chuan hetah hian petition i siam tur ani a, a thehlut tute ti diklo ang zawka i sawi kha dan hma ah chuan ngaihtuah hman loh a hma a lut tur ti anga i sawi kha a dik lo ani. Chuvangin, he adjournment motion hi ngaihtuah sak langin i office leh i thiltihtheihna dan anga hmang turin ka rawn ngen a che.

PU ZORAMTHANGA

: Pu Speaker, dan hetah hian a lal tur ani a, engemaw controversy interpretation emaw a awm dawn anih chuan Speaker Decision a kha a lal tur a ni. Nimahsela, tuna Member zahawm tak Pu Lalhmingthanga rawn sawi ang khan kan rawn thehluhna tur a hi 'before the sitting' a rawn thehluh anih chuan a tawk a ni. Amaherawhchu adjourn a tulna chhan a kha nidangah emaw ngaihtuah hnuah emaw anih chuan adjournment motion a ngai lo reng reng a. Bill aangin emaw, motion dangin emaw private resolution in emaw a putluh theih a, vawiin ngei a ngaihtuah a tulna chhan chu public urgent importance kan ngaih avangin Bussiness dang pawh i adjourn ang u tia rawn thehluh ani. Chuvangin, hei hi chu kan kalpui a dik ani.

A nih loh chuan, tuna 'zero hour' a ka rawn request ang pewl khan engatinge kan C.M. zahawm tak hian kha inremna chu theihnhilkna emaw pawh a awm lova, min hrilh thei mai lawm ni? Zoram mipui kan tuihal a, hei keini pawh kan tui hal a, adjournment motion a kan tih leh lawi bawk silo; zero hour kan tih leh lawi bawk si lo. A eng hian ngemaw min hrilh theihna aw tur kan chhuah ang le. Dan-a kan rawn tihin i awih bawk si lova, ka thu alawm tih ringawtin. Tin, dan ang dang zero hour a kan tih leh in awih bawk silova enghmang chuan nge, what type of language chuan nge kan phut chhuah ang? Tunah hian Pu Speaker, i sawi thei lo anih pawhin 'naktukah naktipah ka sawi ang' ti talin min ti sela chutah pawh kan satisfy ang kan ti ani. Engngati-nge chumi pawh sawi lo ringawt turin he House hi kan session hi kan ko dawn em ni? (Member te an tawng nuai nuai a) (In-hnialna a ni a, Memberte bengchheng siam anih avangin engmah hriat theih ani lo).

S P E A K E R

: Awle, thu ula, in sawitlang tawh dawn teh ang. (An inhnial a, engman a hriat theih loh). Aw, khawngaih takin thu teh u, lo thu teh u.

A Adjournment Motion kha vawiinni atan ati a, nichinah pawh kan sawi dun a. Ngawi rawh, vawiin atan chuan ka admit lo dawn a. Chuvangin, ka lo en ve ang e, ka ti a. Chu chu kan inthenna dan ani a. Tunah hian kan lo enfiah dawn a, kan kawlta ani. Chu chu tuna sawi chuk chuk induh tih kan hria, ka hria ani. Amaherawhchu, khami Motion kha kan bussiness lokal tawh mek te nen. Tin, kan Home Minister in statement siam alo dil bawk a. Chu chu kan le phal tawh bawk si a. Khamiah khan i Adjournment Motion chu kan le en ang a, kan lo ngaihtuah ange, a tih hleih theih loh kan ti a ni.
(engmah hriat hleih theih lohin en ri ngaih nuaih a)
Awle, khawngaih takin kan dan angin i kal ang, lo thu ula, kan programme ang hian kan kal ang a. Awle, Home Minister Pu Sangzuala'n kan dan 60-na ang hian statement siam a dil a, khawngaih takin han sawi sela.

PU J.LALBANGZUALA
HOME MINISTER

: Mizoram aiawh leh House Member
zahawm tak takte tana hriat atana
tul ka tih sawi theihna hun min
pek avangin ka lawm e. Dt.26.9.94

khan hnam dang mi 5 ten Brick (Ite) Cachar phui atanga phurh han Tata Truck No. cMZ-01 3829, Pu Thanchungnuna of Tuikual, Aizawl ta hire an dil a. A driver chu Tv. Lalsangzuala s/o Biakdanga a ni a, a handyman chu Tv. David Laltanpuia s/o Pu Thangchhuaka, Ramhlun (North) a mite anni. Chung mi 7 te chu truck chuan Cachar la panin tlai dar 2 velah Aizawl an chhuahsan a. Zan dar 11:00 velah Bhaga Bazar thlen hma deuhin hnamdang te chuan driver Lalsangzuala chu motor ti ding turin an ti a. A din veleh chemte (dagger a ni awm e) in hmun tam takah an chiu ta a. Handyman Laltanpuia pawh chu hmun khatah an chiy ve a, chumi hnuah mi 4 te chu an tlanchhia a, pakhat erawh chuan Silchar lam panin truck chu a khala an kal lui chuan driver leh handyman te chu vawi thum lai chhuk turin an ti a. Mahse an chhuk duh bik le. Bhaga Bazar pelh hnu lawkah a tiding a, a tlan bo ve leh ta nghan a. Handyman Laltanpuia chuan harsa tak chungin truck chu Vairengte lam panin a khala a. Vanneihthlak takin Lailapur thlen hmain motor khala tur Pu Zira an hmu hlaub a. Chu chuan Vairengte thlengin a khala sak ta a. Tv. Lalsangzuala chu Vairengte thlengin a khala sak ta a. Tv. Lalsangzuala chu Vairengte PHC-ah dah tum ani a, mahse, a na kha tuar lovin kawngah a chat thla ta a.

He thu hi a tuk September ni 27,1994 zing dar 6:55-ah ka hre ve a. Ka hriat veleh Tv. Lalsangzuala leh Tv. Laltanpuia te in lam panin ka kal a. Ruang hmuak tur Bus khat an kal tawh tih khawtlang hotuten min hrilh a. Bus dang ngaihtuah leh a tul thu an sawi a. Mahse boruak a lum loh nan ruang hmuak a mi tam tak kal a tha ka tih loh thu ka sawi a. Thil duhawm lo te a awm palh takin tih thuah kan Police neih ang angte pawh inpalring turin kan ti a. Highway patrolin pawh ti turin kan hrilh baw k. Police kan neih tlem avangin Police Training Centre a training lai pawh engemaw zat duty tura hman anni a, chuti chung chuan Aizawl a kan Police neih zawng zawng chu 260 chauh anni.

September ni 27 tlai khan tharum thawh leh phuba lakna rilru neih a that loh zia sawin All India Radio-ah mipui hmaah ngenna ka nei a. Tunhma thil lo awm tawh te thlir laitin hraundan tan a myineen loh hlawin Lizawl e hnempdane

dawr zawng zawng deuh thaw chu khar an ni. Kum 1979 June thla a thil thleng thlirletin Tv.Lalsangzuala ruang hian en lai ngeiin Aizawl thleng thei se kan ti a. Mahse, Vairengte atanga a chhuah tlai bakah kawng dungah te chawlk a ngaih avangin zan dar 7:50 ah ruang chuan Bawngkawn a thleng thei chauh. Tin, ruang chu Aizawl khawpui kawthler d dungah kawng zawh pui tum an awm tih hriat anih avangin, mitthi chhungte inah thleng tlang zawk se tih rawtna chu a thia chhungte dubdah pawh a ni a. Mahse, mipui pungkhawm zingah chuan mi paw hraw tak tak tawk an lo awm a. Chuvang chuan mitthi ruang chu Bazaar Bungkawn thleng kawngzawh pui a ni. Tlai thim hma atangin Bungkawnah ruang hmuak mi sang engemaw zat anh pungkhawm a. A tlai tial tial a, boruak a lum chho zel a, tlai dar 5:30 atang chuan hnamdang dawr suasam tan ani a. Dawr pakhat phei chu dar 6:10 ah hal a ni. Chumi hnuah veng dang a kang kai zel a. Tin, Aizawl bakah hmundang te pawh a kang kai zel a, Aizawl leh Aizawl-Silchar tlang dunga motor te pawh tihchhiat ani a. Engemaw zat chu hal chhiat vek anni bawk. Sorkarin a hriatchinah dawr suasam leh thil tihchhiet te chu hetiang hi an ni:-

- | | | |
|-----|-------------|---|
| (1) | Dawr hal | = 5 |
| (2) | Dawr suasam | = Aizawlah 84, hmundangah 8
= Avain 92. |
| (3) | Motor | = 15 chhe vek, 21 chhe viau,
19 chhe bawk, avain = 55. |

September ni 27, 1994 Aizawl a thil thleng hi a chhan ni bera lang chu tunhma atang tawh khan Cachar ram chhungah Mizo engemawzatin hnamdang kutah nunna an chanin hliam te an lo tuar tawh a. Tin, kan ram dinhmun hriain Cachara pawl hrang hrang ten motor kal vel thei lo in bandh etc. an lo siam tawh thin a harsatna namen lo min thlen tawh thin a. Chu chuan mi tam tak rikru ah thinrimna alo inmun tawh a. Chuvang chuan Tv.Lalsangzuala thiha hian chung thinrimna chu a rawn tipuak dark ta ni berin a lang.

September ni 27 khan Dan leh Thupek (Law and Order) fail ang hrima sawina te a awm a. Khami ni khan chhun atangin boruak awm dan thlir reng ani a. Bungkawn mipui pungkhawm ti ti atang khan thil awmdan tur chu engemaw chen hriathiam theih ani. Curfew tih a that leh that loh dan tur te pawh thlir lawk vek a ni. Kum 1979 June thla khan kan rama hnamdang Officer pakhat Cachar ami tah ani a. Chu chuan Mizo Cachar a awm engemaw zat tuarna a thlen. Ruang engemaw zat pawh June ni 17, 1979 ah Aizawlah alo thleng anih kha, June ni 18, 1981 khan Kawnpui dai ah MST Bus ka chuamma ambush ani a, hnamdang 3 hliam anni. Pawi sawi lo hnamdang nih vanga pawisawi lem lo nunna laksak kha ka hrathiam lo hle. Kha pawh khan phai lamah boruak chhia a siam thelh. September ni 27 tlai khan curfew tih nise, sorkar chuan khauh takin vawn a tum ang a. Mipui thinrim sosang nen kan intawn chua, Mizo engemawzatin nunna chanin engemaw zat hliam an awm nge.. nawk anga. Chu chuan helia hnamdang te chungah kutthlaik duhna thinlung a rawn siam ang a. Hnamdang engemaw zatin nunna an chan a, hliam engemaw zat an awm bawk chuan India ram dangah nghawng a nei ngei ang. 1979 ang ani tawh lovang a. India ram hmun hrang hrang a nghawng ngei ang. Chung

zawngzawng chu dawnin zanlaiah curfew puan anih chauh kha. Khami zan khan mi pakhat mahin nunna an chan lova. Kan Law Enforcing Machinery te an fakawm hle. Hbiamna an awm bawk lova, kha khan sorkar ngaihdan a dik zia a han hrilh-fiah hle. A tuk (28.9.94) zing khan Aizawl dawr suasamna hmun tam beñ ka tlawn a. Ani la la khan Press Conference ka kova. Communal Harmony (Hnamdang te nena inngeih dial dial a kan awm tlan a tul zia) leh sorkar thil tum dan te hrilh-fiahna ka nei nghal a, October ni 11 khan Press Conference chumi chungchangah chuan ka nei leh a. Chung zinga pawimawh deuh deuh te chu :-

- (a) Buaina chhan hre chhuak tur leh buai avanga tuarte chhawmdawl dan tur te puahchah turin one-man Commission din a ni a - Senior I.A.S. Officer Pu T.Gupta tuat a ni.
- (b) Tunhma anga Remna leh Muanna boruak tha tak a awm chhoh leh zel theih nan kan Home Minister, Chairman na hnuaih Peace Committee din a ni - hetah hian Kohhran leh pawl hrang hrang aiawh te telh anni.
- (c) Hnamdang hlauthawng mangang te awmkhawmna turin hmun hrang hrangah ruahmannna siam ani a. Chung enkawltu kan sorkar hnathawk te leh ei leh in tur petu kohhran leh Social Organization hrang hrangte an fakawm hle. Tin, Border Road Organization Assam Rifles te, CRPF ten mi mangang tam tak an enkawlin an fakawm hle bawk.
- (d) Sorkar ruahmannna in hnamdang ramdanga haw leh kal kal duh te mi 7641 thawn chhuah a ni.
- (e) October ni 6, 1994 khan Aizawl khawpui chhunga VEF leh V/C Secretary zawng zawng te kawmna kan nei a. Foreigner leh ILP permit nei lo chungchangah leh hnamdang mangang te tanpuina chungchangah an V/C huem chhung theuhah sorkar tanpui turin sawm an ni.
- (f) Rev.Zairema hovin Goodwill team mi 11, Oct., ni 10, 1994 khan Vairengte an kal a. Puja avangin Cachar lam an lo kal thei lo, mahse, Vairengte leh a chheh velah boruak tha tak an zuk siam.
- (g) Rev.Zairema hovin Goodwill team mi 12, Oct., ni 27 khan Silchar an kal leh a. Cachar a pawl hrang hrang hotute nen inkawmna tha tak an nei a. Tunhma anga Motor te kal leh thei turin ruahmannna an zuk neih pui.

October ni 15 khan Silcharah Assam Chief Minister (Pu Hiteswar Saikia) Silchar mi Union Minister of State for Home (Pu P.M.Sayeed) leh pawl hrang hrang aiawh te nen inkawm hona kan nei a. Pu Sayeed a ohuan Central sorkarin hetiang buaina tuarte tan compensation pek theih dan an neih thu a sawi. Chumi ni vek chuan Aizawlah Pu Sayeed leh Assam C.M. leh kan C.M.leh Pu C.L.Ruala, Minister

te inkawmna an nei leh a. Khing kan inkawm honaah reng reng reng khian a rang thei ang bera boruek muan awm a awm leh dan tur sawi a ni ber.

October ni 17 khan Cachar atangin Goodwill Team mi 52 Assam Health Minister, Pu Nazmuddin hovin Aizawl a. Peace Committee (he Committee hming hi tunah chuan 'Committee on Communal Harmony' ti a thlak a ni tawh) leh Non-Governmental Organisation (NGO) hrang hrang te nen inkawmna kan nei a. Kan Chief Minister nen inkawmna an nei bawk a. Truck Owner leh Driver Association ve ve te ahranga inkawmna an nei bawk a. Joint Statement an siam ve ve bawk a - Tun hm̄a anga boruak a awm leh theihna turih. He Goodwill Team te nena kan thu tih tluk tlangpui chu :-

- (a) NGO hrang hrangte aiawh ve ve Co-ordination Committee din nise. Hei hi din a ni tawh a, November, ni 11 khian Kolasib-ah in hmukhawmna an nei dawn;
- (b) District level administration kengkawhtu tu te (DC, SP, etc) thlatin vawikhat tal inhmuuhkhwamna neih thin nise.
- (c) Cachar leh Mizoram mipuite inkarah muanna boruak a awm leh thuai theihna turin tute pawhing hm̄a lak nise;
- (d) Trade licence dik tak neite chuan sumdawnna chhunzawm leh
- (e) Inner Line Permit dik tak neite chu Mizoram-ah let leh se.

Kan Chief Minister leh Assam Chief Minister inbiakremna angin October ni 20 & 21 khan kan Chief Secretary leh Assam Chief Secretary te Gauhati ah inbiakna an nei a. Chief Secretary pahnih te chuan boruak tha a awm leh thuai theih nan hetiang hian thu an ti tlü :-

1. Mizoram Sorkar leh Assam Sorkar te chuan Mizoram Chief Minister leh Assam Chief Minister ten ni 17.10.1994-a Kumbirgram Airport-a tih tur an tih te kha ziakin an nemnghet ang.
2. Mizo ni lo tun buai lai leh a hnua Mizoram chhuahsan te chuan ILP dik tak an neih chuan Mizorama kir leh turin Mizoramin a pawm a ni.
3. Mizo ni lo sumdawngtu, Trade Licence Temporary leh a ngahet neite chu Mizorama an sumdawnna chhunzawm phalsak an ni. Mi dangte erawhchu an dilna Mizoram Sorkar-in a la ngaihtuah ang.

4. Dawr neituten Mizo ni lo an dawr an luanthir te hnena luanthir leh chungchangah harsatna a awm a nih chuan Mizoram Sorkar chuan an luah leh theihna tura beihpui leh ruahman sak a tum ang.
5. Aizawl engemaw chen atan Assam Liaison Office din a ni ang a, Mizoram Sorkar-in a tul angin a pui ang.
6. Mizoram Sorkar chuan dan angin SRCC (Strike Riot Civil Commotion) Act hmangin "Chi leh chi inkar buaina" a puang ang.
7. Vuivaina enfiyah turin Aizawl leh Cachar DC/SP te chu thla tin vawi khat an inhma thin ang.
8. Aizawl Deputy Commissioner Office leh Cachar Deputy Commissioner office-ah vuivaina thlenna tur Grievance Cell din a ni ang.
9. Mizoram atangin Sorkar hnathawk leh Sorkar hnathawk lo pawl aiawten Mizo ni lo te chunga Mizoram Sorkar rilru put dan (dinhmun) hrilhfiah turin Silchar an tlawh ang a. Assam leh Mizoram a pawl hrang hrang ten tun hmaia inremna an ziah, thu tih tluk tlan te kha sawi ho thuai turin tih ni nghal bawk se.
10. Deputy Commissioner pahnih ten tanpuina pek dan tur chungchang sawi tura an lo ruahman point 6 te chu Gupta Commission-a thlen nise an ti.

Hengte hi ngaihtuah tur point te chu anni:

- (a) Motor chhe chungchangah Forst Party Insurance-in a huam loh Third Party Insurance chauhvin a huamte chu zangna dawmna pek nise.
- (b) Motor bungrawn phurh bo takte chu an bungraw phurh ziahna fel tak an neih chuan zangnadarwyna pek nise.
- (c) Motor tlan loh avanga sum lak luh chan te chu ni tin hlawh hniam ber (Minimum wages) tuksa ang emaw Sorkar laipui kalphung a awm a nih chuan) angin zangna dawmna pek fel anih hma chuan pek nise.
- (d) Truck chhe chungchangah State pahnih MVI report a in an loh chuan en ho nise.
- (e) Mizoram MVI Inspection lohva Assam Motor kir leh te chungchangah chuan Assam MVI report pawm nise.
- (f) Dawr leh bungraw chhiah leh bo chungchang zangnadarwyna pek dan tur.

(NB: Heng point te hi Aizawl leh Silchar Deputy Commissioner-ten Chief Secretary pahnih te ngaihtuah tura an ruakman a ni a. Mahse, Chief Secretary ten an sawidun hnuah thutlukna a awm theih loh avangin heng point te hi Gupta Commission-a thlen ni se an ti a ni).

Tv. Lalsangzuala chhungte kan tuarpui em emin zangna dawmna pawh pek an ni ang.

Mizoram leh Barak Valley mipui te inkarah inhriatthiama tha tak a awm chhoh zel theihna turin kan member zahawm tak tak te Sorkar tawlawm turin ka han sawm nghal.e. Ka lawm e.

S P E A K E R : Kan tih leh tur chu (Pu Rin-chhina : Party thil.a ni si a, hei hi khawngaihin min pawmsak thei mai lawm ni? Tunah hian kan tizui thei mai lawm ni? Adjournment Motion ani tawh si lova, Chuvangchuan, hei hi kan tih eng hian Adjournment Motion hi buaipui ta mai ila, a tha mai lawm ni?) Adjournment Motion hi Adjournment Motion anih chuan 64-na pawh hi han en ta ila, tunah hian Enquiry Commission ten an en dawn ania. Chuvangin, (Member te an tawng nuaih nuaih a).

Dr. R.LALTHANGLIANA : Pu Speaker, Adjournment Motion a move tuin a move ah khan Chief Minister te pahnihin Kumbigram Airport-a an thutlukna (assurances) hi sawi ho va House-ah puan ni lawk se tih a nia. Inquiry Commission purview ani lo. Chief Minister te pahnih thusawia kha Enquiry Commission a khel dawn anih chuan ava buai-thlak awm ve? Dan tur em ni?

**PU LIANSUAMA
MINISTER** : Kan sawi ve lawk teh ang. Kan Chief Minister te pahnih inhmuh hnush kan Chief Secretary pa-hnih ten inhmuh zuina an nei leh a. Chumite pawh chuanin an thua kha heti laia vawin-nia dawkana kan lo hmuha a tawpna lamah khan heng Commission ina an ngaihtuah turte chu a ti thlap a. Chuvangin a lakhran theih lova. Avai khan he kan buai tun tuma kan buaina lo chhuahna te, tin, engtingeni, tunhnuah thil thazawka a kal leh zel ang tihte zawng zawng kan Chief Minister te inhmuhna chhən hi tilaia buaina kan neih vang a ni mai a. Inlakhran chi a ni lova. Kan Dan 64-na hian-in Pu Speaker, i sawi dan ang khan a dik a. Statutory Tribunal, Statutory Authority ina Judicial or Possibilital Function-a a lo an mek, Commission of Court emaw, Court of Enquiry-in emaw tih zel a kha chuvang chuan, heti laia an zuk en tura zel hi Commission of Enquiry Purview zel a lo nih avangin, chuvangchuan Adjournment Motion hi i lo pawm lo anih pəwhin i ti dik thlap a ni.

PU ZORAMTHANGA : Chief Minister pahnihte decision a kha min hrilh rawh ü kan ti maia ni. Enquiry Commission in Chief Minister te pahnih Decision-a kha a Enquiry dawn lo. Hei hi a purview a ni lo hrim hrim, Chuvangin, Adjournment Motion a kha vawiina kan tih loh chuan Adjournment Motion anihna sense a keng tawh lo a ni. Chu chu min phalsak kan duh a ni.

PU LALSAWTA : Pu Speaker, Enquiry Commission a kha 3 Oct a din a ni a. Chumi hnu daih ni 17 ah an inhmuin ziak a ni a. Chuvangin, he thil hi a intu lo reng reng. Enquiry Commission ina a din kha chu thil a pawtawh ang zawng zawngte chhuizhuak tura tih a ni a. Chumi hnu daih ni 20 dawnah anni inbiakna hi thil awm a ni a. Chuvangin, he thil kan ngiat hi House-in kan sawi hi thil awm tak a ni.

PU LALHMINGTHANGA : Pu Speaker, kan sawi ve duh chu Enquiry Commission hi khawvel hmun hrang hrangah an din thin a. Heta an din pawh kha Gupta Commission kha a dik tho va. Amaherawhchu, hetianga an din tawh hnuah a aia sang zawk leh ram rorelma sang berte khan khami ina dik taka hna a thawh theihna del turin a hnam pumpui tana mawphurhna lakkahthlak ngawih ngawih Enquiry Commission pawhina a va sawisel ngam loh tur hetiang anga thu leh hla hi khawi khawvelah mah Pharoah hun lai atanga vawiin-thleng hianin an la ti ngai lo. Sazu mitdel rorel a ni a, hei hi. Chief Secretary te hi chu ti lo thei lova siam avang khan, kumbigram-a Airport-a Chief Minister pahnih tena decision an lo siam tawh a ziek chhuk tuah an tang a ni mai a. Minister 4 hian document te hi kan hriat theuh angin sign ngai lo a ni a. A sign tu atan Assam Chief Secretary leh Mizoram Chief Secretary hi an hmang ta mai a ni a. Hei hi a hnam pumpui tan phurrit, anchhia kan Budget ah te pawh ba a tam tawh tehlul nen lei la chawi leh tur te a ni ta a. Cachar Truck din man pek turte a ni a. Zoramah hian a lawm Truck chu ding na sa. Kan State Quota zawng zawng chu Ambush a, Essential Commodity zawng zawng an ambush a. Cigarettes tlawn khat lo luh pawh an phal lova. SRCC Act te hian anmahni hi hrem zawk tur a ni a. Tun thleng hian, keinin engmah hetah adjournment motion kha admit a discuss ngei ngei ngai a ni a. Chuvang chuan kan phut a ni.

PU ZORAMTHANGA : Pu Speaker, Mizoram pa ber kan Chief Minister-in Assam rama pa ber Chief Minister nena discussi sion an siam chu engatinge chuti

em ema sawi an hreh mai. Chu chu a ni thilmak chu ni. Thilmak a tling a ni. Chief Minister te inremna chu thildang subject an family matters a ni lova, Mizoram leh Assam, Mizoram mipuin vawiinnia kan ei leh bar kan nunna nena a tawrh mek a ni a. An inremna decision chu hriat kan chak em em a, engatinge chung chu sawi an hreh em em. Tunah hian kan sawi thei lo a ni a, a taxt te kan nei kim lova, a detail tawk lo ang e inti a nih pawhin naktuk tuk lehah pawh kan sawi ang intih chuan kan satisfy ang. Hriat kan duh a ni e kan ti mai a ni. Tunah hian engatinge chumi pawh chu sawi kan duh lo Pa ber te inremna kha ram mipuin kan thlir lain engatinge sawi kha inhreh em em, a mak kan ti a ni.

PU LIANSUAMA
MINISTER

: Pu Speaker, Chief Minister-in statement siam rawh se tiin Adjournment Motion a lokal lova. Chutah chuan he thu discuss tur hian Adjournment Motion rawn put luh a ni a.

Tin, Pu Speaker, Public importance a ni tih chu vantlangin an hria a. Chutah chuan tun hnaia thil lo thleng chungchang Parliamentary procedure chungchangthuah state Sorkar emaw Central Sorkar-in emaw a an han tih zung zung theih loh thil he House-a thil zuk sawi ngai nia member ten an hriat chuan chu chu a practice dan a ni a. Chuvang chuan Adjournment Motion rawn putluh danah khan tuna Judicial Commission of Enquiry lo din tawh mek hnan a nih Jain a rem love tiin Speaker-in a sawi tawh a. Chief Minister hian statement pe teh se tiin Adjournment Motion khan a sawi lo hrim hrim a. Chumi chungchang discuss-na tur chu a ni, chumi chu an discuss-na tur a ni. Chumi chu discuss-na turin in rawn dil a ni. Chuvang chuan Adjournment Motion kha discuss in rawn dil a Speaker-in a remti lo kha kan dan 64-na ah khan a dik chiah a ni.

PU F.LALREMSIAMA

: Pu Speaker, Oct Sept 27th 1994 zanah kan buai tawh a, 26th a kan tual thiina avangin 28th ah chuan a dai duak a. Chief Minister hovin inkawmna te pawh an koh ang khan kan nei thei tawh a. 27th Sept leh Nov 7th in kar hi a rei tawh lulai a. Chutichung pawhin he House Mizoram rorelna sang berah pawh hian Mizoram chungchangthua thupawimawh tak kan sawi thei lo a nih chuan a harsa lutuk. Tha te tein i sawi ang u kan tih lawm lawm lai hian engatinge inhnial tlat? Kan Chief Minister in Kumbigram-a Assam Chief Minister nena an inbiakna thu hi a bo bang awm levin min hrilh teh se, Zoram leh Assam chungchangah an mi leh sa te chungchang thute a ni a. Keini leh Zoram mipui hian Mizo fa te tlawm in kan inhre si a. Heng thu hi i sawi tah ang u kan pre duh tawh kan ti mai a ni. Tha te tein min sawi tir u la a tha mai ang. Chu chu ka ngen che a ni.

PU ZORAMTHANGA

Commission of Enquiry Chief Minister te inremna chungchang thua enquiry la turin a ti lo. Chuvangin hei hi Commission of enquiry purview a ni lo. Chief Minister pahnih te inremna hi.

PU SAIKAPTHIANGA
MINISTER

statement an pek khan an lungawilo a nih chuan Chief Minister khan statement a pe lo ang tih a awm reng reng lo. Kan Chief Minister zahawm takin a pek duh loh thu emaw a pek dawn loh thu emaw a la awm lo. Amaherawhchu, a motion lo luh dan kha keini lam atang hian hriat thiam theih a ni tlat lo a ni. In han sawi a discuss tur in ti a. Chief Minister statement rawn puang chhuak rawh se in ti a. Kan dan kha uluk taka kan en chuan statément, Minister statement a ni emaw Chief Minister statement emaw a nih chuan discuss a phal lo reng reng a ni. Chuvang chuan a phalloh kha in rawn tih khawp avangin helam atangin ngaihdan kan siam thei lo a ni zawk. Chuvang chuan in rawn sawi dan kha a chiang lo tlat alawm. Chuvang chuan Pu Speaker, kan Business ang hian vawiin atan chuān min kal tir la, (Member ten an lo hnial a 'Kan rem ti lo' kan ti lo. Kan hrethiam lo alawm, Speaker pawhin a hrethiam lo. Chuvang chuan Pu Speaker, vawiinniah hian i thuin min kalpui la.

S P E A K E R

: Pu Rinchhana.

PU LALRINCHHANA

Pu Speaker, kan Chief Minister te leh Assam Chief Minister ten Kumbigram-ah inhmuhna nei in assurance an siam a. Decission assurance thutlukna an siam a, chulaiah chuan tunlai Mizoram boruak concern hi a ni a. Chu thu chu kan Chief Minister hian puangchhuak se la. "He thu hi he House ah hian i sawi ho teh ang u" tiin motion kan rawn pulut a ni. He kan rama thilthleng lian lutuk hi House kan inhmukkhawmna hmasa bera kan sawi hi kan bat a ni. Mizoram aiawh kalkhawm ten he thil thlen hnua kan inhmuhna hmasa berah thu chhia thu tha kan sawi ho hi kan bat a ni. Chumi sawi hona chance' chu min pe rawh u. "Chu chuti sawi ho ang u" kan ti mai a ni. A chhe zawnga thil kalpui tumna a awm lo. Pawn lam atanga inrinsiakna leh thil dangah chuan chhe tak tak pawhin kan inpuh thin. Chuvang chuan a chhiatna leh a thatna hi he hunah hian i sawi tiang ang u, tiin hetah hian kan phut a ni mai a. Mi-in dang ta si a, min dannaah khan keinin tul kan ti si a. Tum loh zawng boruak a kal ta hi a pawi ka ti khawp mai. Chuvang chuan kan Chief Minister-in Kumbigram-a Assam Chief

a nih avangin vawiina ngaihtuah rih loh hi chuan a thi mai dawn a. Tin, chubakah he thu hi Zoram mipui rethei ber leh hausa ber thlengin kan zavaia min chih tattu leh vawiinnia harsatna kan tawh lai mek siaptu a ni a. Chuvangchuan he Mizoram rorelna sang ber hi chuanin a ngaihtuah ngei ngei turah ka ngai a. Hetah hian mipui aiawha thukhawm kan ni a, chuvang chuan discuss ngei ngei hi kan rawn phut a. A fiah ngei hi kan rawn phut a. Chuvanga adjournment Motion pawh kha rawn thehlut kan ni a. Chutakah hei hi cancell a ngai a ni, a hnam pumpui tan anchhia a tling a. Social Criminal, Religious Criminal nite, Communal Criminal ni turte sign a dik lo a ni. Chuvangchuan House hian Motion in siam tha se, chu chu a kal kawng awm chhun a nih avangin min phalsak la, tiin kan phut a ni. Zoram mipui aiawhin kha kha kan phut tlat a ni.

PU P.C. BAWITLUANGA : Pu Speaker, vawiinniah hian
MINISTER kan dan dinglai 64-na pal tet
turin kan unau ten mi nawr
luih an tum a ni. Chuvangin i dinna kha a dik a. Engvang
innge Commission din a nih a, Chief Minister te pahnih an
inbiak kan tih chuan, khang ang zawng zawng, tuna a Court
kan tihte Commission kuta awmlai vek a ni. Chief Minister
te inbiakna a lak hran theih lova, Commission a lak hran
theih bawk hek lo. Chuvangin a inzawm vek a ni.

Tin, a chhungah chuan Chief
Secretary te pawh an inbia alawm, D.C. pawh an inbe leh
ang, midang pawh an inle zel ang, Commission pawhin mi
tam tak an la bia ang. Chuvangin kan dan-in Housea sawi
a phallo a lawm. He kan dan pal let tura tihna mai a ni.
A engpawh chu nisela, Chief Secretary-te an inbia emaw
Chief Minister-te an inbia emaw, Commission din emaw chu
chu tunah Commission kutah a awm tawh a ni. Kan Dan 64
nain Court-a awmte, Commission kuta awmte chu sawi theih
a ni lovang, a ti a ni. Pu Speaker, i dinna kha a dik a
ni.

Amaherawhchu, hei hi sawiho
an duh anih chuan, a helna kawng hran rawn dap sela, dan
a tam a, a zau bawk a. Dan 64-na pal let tura innawrna
hi a tha lo a ni, reoreltu kal hmang pawh a ni bawk lo.
Dan hi huaisen taka kan hum a pawimawh a. Chief Minister
te inbiakna thu, heta sawiho in duh hi, anni chauhin an
vei ut ut pawh a ni bik lova, tihemah chuan heta sawi an
duh hi hmanniah khawlai dung tluanin an sawi tawh nghe nghe
a. Mipui hriatah insawi tawh a. He thu hi helaiah sawi
theih loh tih tlat pawh a ni bawk lo. Amaherawhchu dan
64-na pal tet tura intih kha a dik lo reng reng a ni.

S P E A K E R : Kan chawhma hun chu a tawp
hrih a, kan chawl hrih ang a,
chawhnu dar 2:00 ah kan lut
leh ang.

Minister te leh Home Minister te nena an sawi hona thu hi min hrilh sela, chumi ina effect chu hun min pek ang angin sawi ho ila. Chuta tang chuan inhriatthiam tlanna leh thil tha zawk a chhuak ang tih beiseina atanga he thil hi lo chhuak a ni a. Chu mai pawh nilovin he House hian kan bat ni tlat a kan hriat avangin he thu hi thehlut kan ni. Engemawtia a condition atang pawh khan mimal inbeihna leh engemaw tur thil zawnga ngaihtuah pawh kan ni lo. Sawichhuah ho hi kan bat a ni lawm ni? Programme danga a tel loh avangin adjournment motion in hei hi ngaihtuah teh ang u tiin he adjournment motion hi kan rawn pulut mai a ni a. Chuvang chuan he thuah hian kan inhniel rei ta bawk a, sawiho min phalsak la, tha tein sawi ho ila a tha mai lawm ni?

S P E A K E R : Hei dar 1:00 hi kan chawlh leh hun a ni a, hei dar 1:00 a lo ri leh ta mai a, kan sawi chhungin inhriat duh leh sawi chak lai hi ka hnial a ni hauh lo, amaherawhchu, ka zuk hnialna laiah chu a dan te kan en hian, hemi te atang hian a motion a zawnga khatia a lo kal khan chuan hemi enquiry te eng eng emaw te a lo nih tawh avang hian ka dang chu a ni mai a, a kawng dangah khami inhriat duh laia kha ka hnial reng reng lo, a kawng dang zawng emaw eng emaw tia a sawi ho theih na question angle pawh khan han zawt ula, a eng emaw thil dang dang te pawh khan han sawi ula kha kha chu a kherh chhuah danah kha chuan a dan dang khanin a awm ve tho eng. Amaherawhchu, chu adjournment a zo ang a, hetia in rawn tih laite hi a dan ang hian ka tang a ni mai a, aw chu chu a dik vek mai.

PU F.LALREMSIAMA : Pu Speaker, he permit nena kan nitin Mamawh lei tura inhmur tuau tuau reng ringawt mai hi a thu neitu nih te hi a zahthlak zawk lawm ni le? He ram fan hian a ni lawm ni le in thawh a, kan thawh a, thute kan tiem hlawm kha le? Chuvang chuan sawi hi a hun lutuk kan ti mai a ni. Ka pu, Gupta Commission of enquiry i nghak tlang ang u kan ti law law meng si lo a nih hi.

PU ZORAMTHANGA : Pu Speaker, in phal bawk si lova, chuvangin tihngaihna a awm lo alawm adjournment motion in phal lova hetah hian englovin zero hour-ah min han hrilh zawk teh se tih chhuah pawh in phal bawk silo va, engtiang chin nge a sawidan turah kha tur chhuah ngaihna kan hre tawh lo a ni. What kind of language shall we use-ah kha-n kan hre tawh lo a mi. Adjournment motion ah no ti bawksi a, zero hour-ah no ti bawk si, ngawih reng ringawta chhang kha chu Zoramin kan hre chak, keinin kan hre chak engahnge kan sawi mai ange en tih mai loh le.

PU P.C.ZORAMSANGLIANA : Pu Speaker, Dan i tan tlat
MINISTER avang hian vawiinnia thu
rawn thehluh nangmah ngaih-
tuahna mai ni lo, he kan dan
hmang ngeia i dan thlak avangin kan house hi a zahawm leh
zualin ka hria i chair i rorelna a tha khawp mai.

PU SAIKAPTHIANGA : Pu Speaker, kan business ang
MINISTER khanin min kalpui la kan
fiah tawhin ka hria a. Kan
unau kan opposition te pawh
tih dan chu an hfe tawhin ka hria, chuml tihdan an hriat
a chu an tih duh si loh chuan an tan a buaithlak a*ni.
Tunah in tih danah kha chuan a bu kha en ula, a dik thei
lo reng reng. Chuvang chuanin kan kal dan pangngaiin
min kalpui kha a dik ber a ni.

Dr. R.LALTHANGLIANA : Pu Speaker, en thli thlaia
chhui turin enquiry commis-
sion din a ni reng reng lo,
an inbiakna inbiak hma October ni 3 daihah enquiry com-
mission chu din a ni, buaina thil chungchang dangah khan
an inbiakna an inremna thutlukna kha assurance an siamah
khan kan phut a ni. Chuvang chuan dan an tih kha vawiin
niah kian Pu Speaker, i tih ohn a ngai viau a ni. Kha
ti zawnga kan ti a nih dawn chuan he kan adjournment mo-
tion text-ah hian chiang takin a inziak, Assam Chief
Minister leh Mizoram Chief Minister ten Kumbigram Airport
a an inbiakna chungchangah houseah sawi ho va puan ni
rawn se tih kha a ni mai, kha kha enquiry commission-in
a zuk ngaihtuah tur a ni lo, chuvang chuan khalaiah khan
i ngaihtuah chian a ngai viau a ni. Tin Enquiry Commis-
sion-ah khan October ni 3 daiah tan a ni.

S P E A K E R : Dar 1:00 a ri tawh a mew, dar
1:00 hi kan chawlh a ni a.

PU LALHMINGTHANGA : Khawngaih-takin dan ang takin
zuk tih kha kan sawi anga
method of giving notice tih
Chapter 13-na chang 63 naah khan "Notice of an adjournment
motion shall be given before the commencement of the
sitting on the day on which the motion is proposed to be
made to each of the following", a ti a. Chuvang chuan,
hemi dan ang chiah hianin Pu Rinchhana, member zahawm tak
khan i hnenah tuk in zingah kan mit hmuh lai ngeiin a pulut
a. Chuvang chuan a ni lamah khan dan zawk kin koh a awm
lo a ni. Amaherawhchu, thil dik lo zawk a kha chu Speaker
in a hma pawhin inthehlut lo a, a zuk tih lai te motion
reng reng adjournment motion hi nikhat validity nei chauh

- S P E A K E R : Kan tih tur chu
- PU LALRINCHHANA : Pu Speaker, kan Motion chu min tihsak thei dawn lawm ni?
- PU ZURAMTHANGA : Pu Speaker, kan adjournment Motion-a kha vawiina min tih tir theih loh chuan hetianga Chief Minister te inremna Mizoram-in a hriat kan chak em em min hrilh thei lo anih chuan, vawiin chawhnu hi chu thutpui thutpui theihah kan ngai lo che u a. Tichuan, Mizoram miptiin hriat kan chak a, House-in hriat kan chak a, chuvangin hemi House atang hian keini chu kan chhuak ang.
- PU LALHMINGTHANGA : Pu Speaker, hei khami discussion kha neih chak-a tho kha kan ni a. Chuvang chuan, keini pawh hian khatia discussion kha vawiina a awm theih dawn loh chuan kan chhuak dawn a ni. Chu chu kan hrilh duh che a ni.
- " 1
2:00 P.M.
- S P E A K E R : Kan tih leh tur chu Bill introduction a ni a, Pu J.Lalsangzuala'n House-a Bill introduce han dil sela.
- PU J.LALSANGZUALA MINISTER : Pu Speaker, I beg to leave of House to introduce the Mizoram Salaries, Allowances and Pension of Member of the Legislative Assembly (Amendment) Bill, 1994, Thank you.
- S P E A K E R : Pu Bawitluanga'n i'n dil ve phawt dawn em ni? Pu Sangzuala kan tih tlang chhoh-tir fel phawt ang. Awle, Pu Sangzuala'n "The Mizoram Salaries Allowances & Pensions of Member of the Legislative Assembly (Amendment) Bill, 1994" introduce a rawn dil a, rem kan ti em ? rem kan ti a maw? Pu Lalsangzuala'n han introduce se la.

PU J.LALSANGZUALA
MINISTER

: Pu Speaker, The Mizoram Salaries, Allowances & Pension of Member in the Legislative Assembly (Amendment) Bill 1994 hi House-ah ka introduce e.

Ka lawm e.

S P E A K E R

kan programme a kan tih ang khan a ngaihtuahna tur a ni ang a. Pahnihma Pu Bawitluanga, Tha Lushai District Amendment Bill introduce han dil sela.

PU P.C.BAWITLUANGA
MINISTER

: Pu Speaker, "The Lushai Hills District Revenue Amendment Bill, 1994" hi he House-ah hian introduce min phalsak ka han dil e.

S P E A K E R

: Rem kan ti em? Rem tih tian a ni a. Awle, tunah Pu P.C. Bawitluanga'n han introduce rawh le.

PU P.C.BAWITLUANGA
MINISTER

: Pu Speaker, "The Lushai Hills District Revenue Assessment Amendment Bill, 1994" hi he House-ah hian ka rawn introduce e.

S P E A K E R

: Hei, Bill pahnih ngaihtuah tu kan nei ta a. Kan Programme kan dali ang khan ngun takin rawn zir ula. Vawiinni atan chuan hei zawng hi tihtur kan neih a ni a. Kan zo ta a. Tichuan, naktuk kan chawl dawn a. Tin, naktukah khan C.P.A. General Meeting nei ila kan ti a. A hun kha Secretary-in a rawn siam ang a. Tin, kan Chief Minister-in "Chaw te pawh ei ho nghai ila mawle" a ti a. Chumi anih chuan a hmun tur atan chuan Tourist Lodge nise a tha ang.

Awle, vawiin atan chuan kan tih tur kan zo ta a, naktuk kan chawl ang a, naktuk tuk lehah zing dar 10:30-ah kan tan leh ang.